





# BREVIS ENARRATIO SACRORUM RITUUM

SERVATORUM

*In aperiendo, & claudendo*

## PORTAM SANCTAM

*PATRIARCHALIS BASILICÆ LIBERIANÆ*

## S. MARIÆ MAJORIS

*Ab Eminentissimo, & Reverendissimo Principe*

**PETRO CARD. OTTHOBONO**


S. R. E. Vice-Cancellario, Episcopo Sabinensi,  
eiusdemque Basilicæ Archipresbytero, & Apo-  
stolico de latere Legato.



**ROMÆ, MDCCXXVI.**

Ex Typographia Antonii de Rubeis in Via Seminarii Romani.

**SUPERIORUM PERMISSU.**



PRÆFATIO  
IN SACRORUM RITUUM ENARRATIONEM  
JOANNIS CHRISTOPHORI BATTELLI  
ARCHIEPISCOPI AMASENI

AUCTORE  
ANTONIO DOMINICO NORCIA  
S. Laurentii in Damaso Basilicæ Canonico.



*A* est omnium pene Scriptorum, qui aliqua eloquentiæ laude floruerunt, communis consuetudo: ut nonnulla libenter sinant sibi è calamo excidere; ægre vero sibi patiantur ascribi. Mirum propterea minime videatur, hanc Brevem Enarrationem sacrorum rituum,

tuum, servatorum in aperiendo, & claudendo Por-  
 tam Sanctam Patriarchalis Basilicæ Liberianæ, a  
 disertissimo Præsule Joanne Christophoro Battelli, Ar-  
 chiepiscopo Amaseno, & ejusdem Liberianæ Basili-  
 cæ Canonico, facilius fuisse partam, quam inter pro-  
 prios ingenii fœtus relatum. In tenui posuisse laborem,  
 Vir alioquin modestissimus, dum vitâ pauloante frueba-  
 tur, forte secum animo reputaverat; aut inde potius  
 non tenuem sibi eventuram gloriam, quâ præditus erat  
 animi virtute, contempsit. Quicquid in causa fuerit:  
 egregium opus præclarissimi Authoris nunquam inve-  
 nisset Parentem, nisi perpetuo amisset. Hactenus in re,  
 alienæ fidei commissâ, cui profecto par erat satis juris  
 assertum fuit. Ex eâ vero quenam possit in publicum  
 utilitas derivari, cunctis clare, superque patet catholicæ  
 religionis cultoribus. Sacris siquidem ceremoniis ani-  
 mus in admirationem trahitur: mens humi jacens ad  
 superna rapitur: nutritur fides, fovetur pietas, auge-  
 tur charitas: & quasi quibusdam opposita catholicæ re-  
 ligionis fervidioribus radiis, durissima infidelitatis gla-  
 cies resolvitur. Testatur quippe ter magnus ille Eccle-  
 siasticorum Annalium Princeps: Valentem, Imperato-  
 rem Arianum, visis in templo sacris ceremoniis, ma-  
 ximam erga res catholicorum reverentiam concepisse.  
 Cum itaque hoc Jubilei Anno non omnibus datum sit cer-  
 nere ductam per Exquilias solemnem pompam, quâ Emi-  
 nentissimus Cardinalis Otthobonus, Apostolico de late-  
 re Legatus, Auream Portam Liberianæ Basilicæ Sa-  
 cerdotali dextera referavit: hic graphice expressam ni-  
 tidissimis eloquentiæ coloribus intueri nemini non licebit.  
 Quisquis præterea sacræ supplicationi, tunc temporis  
 magnificentius decretæ ad veneranda Cunabula Salva-  
 toris Nostri JESU CHRISTI, interfuisse gauderet: longo

ordi-

ordine subiectam oculis excepisse lætabitur. Si forte aliquis misericordiam, & veritatem requireret, quæ olim sacra ipsa Cunabula crepta fuerunt Saracenorum furori, totam fere Palestinæ regionem flammâ, ferroque vastantium: & inde Romam advecta, in Templo S. Mariæ Majoris recondita, atque asservata fuerunt pluribus ab hinc sæculis: utramque inveniet ex veterum monumentorum fide luculenter expositam. Varias enim Scriptorum sententias ad sæverioris judicii trutinam revocat accuratissimus Author; & suam ipse expendendam subjicit opinionem, apud omnes liberaliter eruditos multum profecto ponderis habituram. Ille hucusque, scribendo, progressus fuerat. Ego interim parere coactus alienæ voluntatis imperio, quod reliquum erat, præ virium tenuitate, supplevi. Sed sacram solemnitatem Auræ Portæ obferandæ, & eam præcedentes, vel subsequentes actiones, contracto verborum ambitu referre studui; cum integrum rerum specimen, impressus in calce operis, Liber Pontificalis exhibeat. In tam arctâ suscepti muneris parte quæsieram delitescere; sed liberum animi consilium interceptit obsequii gloria. Accedit, corollarii loco, Anonymi Scriptoris Ode, in Sacrosanctam Basilicam Sanctæ Mariæ Majoris, venustatem potius, quam vetustatem præferens. Cujuscumque sit ævi: ut typis committeretur Archiepiscopus Amasenus optaverat, data sexto Idus Aprilis Anno MDCCXXV. ad Eminentissimum Cardinalem Otthobonum epistola. Cuiam vero acceptum referendum sit beneficium, quo nuper in lucem editos Liberianæ Basilicæ Ritus & admirabitur præsens, & futura omnis imitabitur ætas, silentio cogimur præterire. Hoc unum reticere non possumus: quod ille, de quo nunc loqui vetamur, cum ingentem quoti-

*die decorem addat Christianę Reipublicę, amplissimum a se collatum quodcunque munus, præ animi sui magnitudine, exiguum esse arbitratur. O utinam sacris unius Basilicę Fastis, totius Urbis accederet Sanctitas, Majestas, & Gloria! Longe, lateque terrarum Orbi innotesceret, si tantummodo traderentur posterorum memorię a BENEDICTO XIII. P. O. M. patrata hoc ipso Jubilei Anno mirabiliter opera. Nullum quippe Sacrorum Rituum peritiorem habuit Romana Sedes Antistitem; & solus Ipse, si pars aliqua posset unquam deficere, totius ecclesiasticę Liturgię sapientissimus Restitutor existeret. Supra vires longęvę etatis nec moram, nec requiem novit, in explendis, propemodum immensis, Pastoralis Officii laboribus. Factus omnibus Apostolicę humilitatis exemplar, Domus Dei decorem tantę animi magnitudine extollit: ut Augusto felicior, Templis refectis, & Aris, post longam annorum seriem (sicut enixis precibus flagitamus a Deo) marmoream relicurus sit Urbem, quam lateritiam invenit. Incertum est, an majori pectoris robore sarta tellus tueatur apostolica jura: an majori mansuetudine cordis ecclesiasticam disciplinam instauret. Omnium contemptor opum, eas plurimi facit, alienę cogitans utilitati prospicere: pauperrimus in divitiis, in paupertate ditissimus. Tantum corpori tribuit, quantum animo prodest; vivendo cupiens servire Deo: qui terrę ingenti concussâ motu Beneventi Urbe, exaltavit illum de portis mortis, ut annunciet omnes laudationes suas in Portis Filię Syon. Quarum precipua commemoratione, virtutum, totius terrarum orbis felicitas, & Regalis Sacerdotii dignitas continetur.*



I M P R I M A T U R ,

Si videbitur Reverendis. P. Mag. Sac. Palat. Apost.

*N. Baccarius Ep. Bojan. Vicefg.*

---

## A P P R O B A T I O .

**E** Narrationem Sacrorum Rituum, qui servati fuerunt in aperiendo, & claudendo Portam Sanctam Patriarchalis Basilicæ Liberianæ anno Jubilei 1725., ab Illustrissimo, & Reverendissimo Domino Joanne Christophoro Battelli, Archiepiscopo Amaseno inchoatam, & ab Illustrissimo Domino Antonio Dominico Norcia S. Laurentii in Damaso Basilicæ Canonico absolutam, ac gravi, splendidæque Prefatione exornatam, pari animi attentione, ac voluptate perlegi, jussu Reverendissimi Patris Gregorii Selleri Sacri Palatii Apostolici Magistri. Nihil in ea deprehendi, quod Orthodoxæ Fidei, aut bonis moribus adversetur: immò singularem eruditionem styli candore, & venustate conspicuam inspexi. Quare publica luce dignam censeo hanc disertissimam Enarrationem, ex cujus lectione luculenta suppetent fidelibus documenta translationis Præsepis, & Cunarum Redemptoris, quæ olim apud Berlechem deposita, nunc verò in Liberiana Basilica recondita servantur; præstòque ipsis erunt validiores ad pietatem stimuli, dum animo revolvunt adorandos Ritus, in principio, & fine Universalis Expiationis Anni Sancti servari solitos, quos invenient ad vivum expressos, & concinnè descriptos. Ita judico, salvo meliori &c. Ex Domo S. Laurentii in Lucina Kalendis Martii 1726.


*Cajetanus Corazza Clericorum Reg. Minorum. In Collegio Urbano de Propaganda Fide S. Theologie Scholastica Lector, Cleri Urbis Examinator, & S. R. Universalis Inquisitionis Qualificator.*

---

I M P R I M A T U R .

Fr. Gregorius Selleri Ord. Præd. Sac. Palat. Apost. Magister.

01-01-1980



*View from the Basilica of St. Peter, Rome, showing the large crowd of people gathered in the Piazza San Pietro for a papal audience.*





*Pinxit et Sculp.*



**ANCTISSIMI JUBILEI** Universalis solemnem Indictionem, communibus Orbis Catholici votis expetitam, quæ pro veteri more Romanæ Ecclesiæ, die Ascensionis Dominicæ sacræ, XXV. Maji, Æræ Christianæ Anno millesimo septingentesimo vigesimo quarto, peragi debuisset, Innocentii XIII. Summi Pontificis, die VII. Martii ejusdem Anni humanis rebus exempti, inopinatus obitus intercepit. Extincti Principis, Civisque sui ca-

sum gravissimè nunc Roma, quæ, dum Ille rerum potiretur, nihil triste Christiano populo contigisse cum jucunditate meminerat, ejusque temperatam in primis, & placidam imperandi rationem, inconcussam in Apostolicæ Sedis juribus propugnandis animi robur, ac sedulum Pacis ubique conservandæ studium, meritis laudibus efferebat. Caruit itaque Catholica Ecclesia tres penè menses Rectore suo; at Eminentissimi Patres interpositam in eo designando moram cumulatissimè compensarunt, delecto in Vaticanis Comitibus ex melioribus Optimo, talique demum Summo Sacrorum Præsidente, & Jesu Christi in terris Vicario constituto, qualem sanè difficilis temporum conditio postulabat. Eam porro Electionem divino potius afflatu, quàm humano consilio, fuisse peractam satis constat; nam in ipso vehementiori dissensionis æstu, undè diuturni interpontificii incommoda me-

tuebantur, ex improvise Omnipotens Dominus Electorum mentes, caelesti suo lumine illustratas, ad concordiam adduxit, atque dirigere dignatus est in Eminentissimum Cardinalem URSINUM, Archiepiscopum Beneventanum, Episcopum Portuensem, & Sacri Collegii Decanum: qui, utpote præcipuum, maximumque decus & inclytę Gentis, unde prodierat, & religiosissimi Prædicatorum Ordinis, in quo fuerat educatus, & ejusdemmet Sacri Cardinalium Collegii, cui ante quinquaginta tres annos adscriptus fuerat, mirā summæque suffragiorum consensione ad supremam B. Petri Cathedralē evectus est die XXIX. Maji: & BENEDICTI XIII. faustissimum Nomen assumpsit.

Inter Apostolici Ministerii primordia Sanctissimo Patri illud in primis curę fuit, ut Universale Anni Sancti Jubileum huc usque dilatatum indiceretur, ejusque solemni evulgationi proximum Festum SS. Apostolorum Petri, & Pauli, diem scilicet XXIX. Junii, datis eā de re Reverendissimo Archiepiscopo Amaseno, Abbreviatori de Curia nuncupato, opportunis monitis, destinavit. Illic Abbreviator pro munere suo Literas Apostolicas ejusmodi Indictionis exaravit, & à Summo Pontifice perlectas, ac benignè probatas expediri, plumbeoque signo, ut moris est, die XXVI. præfati Mensis Junii communitas, typis deinde excudi curavit. Eādem die Sua Sanctitas in Consistorio secreto, habito in Palatio Vaticano, consilium, quod inierat proximè indicendi memoratum Jubileum, Eminentissimis Cardinalibus aperuit, & singulis Literarum Apostolicarum exempla impressa per Præfectos Cæremoniæ Pontificiæ distribui iussit.

Aderat jam dies Principum Apostolorum martyrio consecrata, qua, dum Sanctissimus cum universo sacro Collegio ad Vaticanam Basilicam sublimi sella devectus proficiscebatur, ibidem solemni ritu Sacris operaturus, Eminentissimi Cardinalis Oliverii, Brevium Secretarii, Substitutus in ejusdem Basilicę Porticu Diploma authographum Jubilei Sanctitati Sux exhibuit, ut illud more Majorum promulgari præciperet. Pontifice (signo Crucis super eum producto) hujusmodi publicationi benignè annuente, procinus Curię Abbreviator Cappā suprà Rocchettum (ut vocant) indutus acceptum à Substituto Diploma ex Ambone, ante fores Basilicę ad id erecto, clarā voce perlegit: frequentissimoque circumstanti populo, nec non Illustrissimis Vice-Camerario, Præsidentibus Clericis, ac officialibus Camerę Apostolicę Cappā similiter indutis, qui in paratis subselliis assidebant, palam evulgavit. Evulgationem præcedere, & consecuti sunt tubarum clangor, tympanorum sonitus, & bombardarum Arcis Hadrianę reboatus. Inter hæc memoratis Camerę Apostolicę Administris, & post Pontificiæ Missæ solemnia, Cardinalibus etiam, ceterisque

risque Præfulibus impressa Diplomatis exempla per Cæremoniarum Magistros distributa.

His omnibus ita peractis, duo Pontificii Cursores consimilia exempla Valvis Templi Vaticani affixerunt; deinde cum Tibicinibus, & Tympanistis Populi Romani, qui præibant, originale Diploma gestantes ad S. Pauli, ceterasque Basilicas, eamdem publicationem solemniter de more facturi, equitarunt. Propè vigesimam secundam ejus diei horam ad Liberianam Basilicam Sanctę Marię Majoris pervenere, illorumque adventui plausus datus est festivâ omnium Ecclesię Campanarum pulsatione, cui tubarum, tympanorumque, eos comitantium, sonitus accessit. Indicto postmodum silentio, unus ex Cursoribus suggestum in Porticu Basilicę præparatum conscendens, Diploma Apostolicum inde recitavit, & publicavit, assistentibus, præter ingentem populi multitudinem, aliquibus ex Clero Basilicę in subsellis decenter ornatis, cum reliqui eo temporis momento Vesperis in choro solemniter decantatis interessent. Diplomatis evulgationem Campanarum, tubarum, tympanorumque sonitus excepit, quem plurium etiam mortariorum in Areâ Basilicę explosorum fragor est subsecutus. Interea unus ex Cursoribus marmoreę Porticus columnę Diplomatis exemplum affixit, & ambo postmodum Ecclesiam ingressi in Sacello Sanctissimi Sacramenti aliquantisper orarunt, & Altaribus insuper majori, ac Deiparę Virginis devote visitatis, e Basilicâ discesserunt.

Dum Summus Pontifex ea omnia, quę ad Jubilei celebritatem pertinebant, adornari paternâ charitate, ac sollicitudine satagebat, Reverendissimum Capitulum, & Canonici Basilicę Liberianę eamdem pro munere suo disponi, atque confici sedulò curarunt, quę ad solemnem illius Portę Sanctę Aperitionem ritè, ordinatęque peragendam opportuna visa sunt. Teçti in primis Ecclesię necessariam æque, ac dispendiosam instaurationem, pię mem. Clementis XI., qui & ferreis Cancellis Porticum circumseperat, liberali subsidio inchoatam, eoque extincto, propter pecunię defectum intermissam, strenuè urgere, ac tandem perficere non omiserunt. Magnificum insuper laqueare ab Alexandro VI. conditum, quod pluribus in locis manifestam, proximamque minabatur ruinam, opportunè refartum est. Sumpus autem utrique Operi promovendo, & absolvendo necessarios, qui ad non pauca aureorum millia pervenerunt, munificentissimè contulit Summus Pontifex pro insigni animi sui pietate, atque præcipuà erga Deiparam Virginem devotione. Ecclesię prætereà interius Edificium perpolitum, & undique dealbatum: Utrumque Sacrarium novâ decenti supellectile abundanter instructum: Argen-  
tea

(XII)

tea Vasa diligentius a sordibus expurgata, pristinoque nitore restituta: provisum denique, ut omnia in promptu essent, quæ cum Sacræ Cæremoniz, tum Ecclesiæ dignitatem respicere videbantur.

Nec planè minorem eâ occasione amoris, & venerationis sensum erga Basilicam ostendit, simulque egregiam mentis suæ religionem, & magnitudinem luculentissimè declaravit Eminentissimus Archipresbyter Cardinalis Otthobonus, S. R. E. Vicecancellarius; Nam sub idem tempus ab illustri Artifice elaborari iussit anaglypho opere duo magna Frontalia (Pallia vocant) argentea, cum Candelabrorum gradu consimili, quibus utraque Aræ maximæ Pontificiæ facies exornaretur. In eo, quod ampliorem Ecclesiæ navem spectat, Nativitatem Redemptoris nostri Jesu Christi, in alio autem, quod chorum respicit, Mysterium Annunciationis Beatæ Virginis expressum voluit. Mediam utriusque Frontalis partem decorabat Epigraphæ prominentibus literis argenteis exarata: *Anno Jubilei MDCCXXV*. In gradu Candelabrorum alia cernebatur Inscriptio consimilibus literis efformata: *Petrus Card. Otthobonus S. R. E. Vicecanc. Archipresbyter*. Ambo autem Frontalia eam præferebant ingenii, ac industriæ Artificis præstantiam, ut penè materiem superaret opus, adeoque effusus omnium laudibus meritò fuerint celebrata. Hoc itaque insigne donarium Eminentissimus Archipresbyter Capitulo Liberiano per Nobilem Familiarem suum obtulit die XXI. Decembris, eritque religiosæ ejus in Basilicam liberalitatis splendendum, atque perenne monumentum.

Dum hæc agerentur, cum tempus appropinquaret solemnis aperitionis Portæ Sanctæ, expedire duxit Eminentissimus Archipresbyter, ut Capitulum Liberianum apud ipsum in Palatio Cancellariæ Apostolicæ conveniret, ac de iis omnibus maturè deliberaret, quæ ad ejusdem celebritatis Ritum decenter explendum, mentesque Fidelium ædificandas, necessaria, vel opportuna viderentur. In eo igitur Capitulari Conventu habito pomeridianis horis diei XI. Decembris, cui nedum Eminentiss. Archipresbyter, ejusque Reverendiss. Vicarius, ac Reverendissimi Canonici universi, verum etiam Cæremoniarum Magistri, & Architectus Basilicæ interfuerunt, plura proposita, expensæque sunt; ac demum, Eminentissimo comprobante, præter alia levioris momenti, statutus fuit locus septis, seu repagulis ligneis, ad cohibendos irruentis Populi conatus: Podiis pro Nobilibus Fæminis Sacram Functionem spectaturis: Solio pro Eminentissimo Legato, ac subelliis pro Canonicis, universoque Clero, & P. P. Ecclesiæ Pænitentiaris, juxtà ichnographiam ab Architecto delineatam, & ostensam. Potestas insuper facta est Sodalibus Confraternitatis



(XIII)

nitatis Sanctissimi Sacramenti in Parochiali Ecclesia Sanctissimi Salvatoris in montibus erectæ, quæ non ita pridem Basilicæ fuerat aggregata, ut solezni supplicationi in pervigilio Dominicæ Nativitatis ab Ecclesiâ S. Pudenzianæ ad ipsam Basilicam instituendæ interesse, & Sacram Cæremoniam in loco designato extrâ Cancellos spectare possent, totoque Jubilei anno Portam auream custodire deberent, ne apud illam aliquid inordinatum perpetrari contingeret.

Actum postmodum de militari Custodiâ, qua expedire visum est, ut septa, podia, cancelli, ac ipsamet Ecclesia adversus popularem impetum communirentur. Eâ autem in re Eminentissimus Archipresbyter publicæ securitati & quieti opportunè jam consuluisse affirmavit petito, obtentoque à Pontificiis Administris congruo Helvetiorum Agmine, ac integrâ Urbanorum Militum cohorte cum officialibus suis, qui constitutâ die apparere, præstoque esse non omisissent. Idem Eminentissimus deinde exposuit, decrevisse post refectionem Portæ Sanctæ non modò Vesperas in choro solezni ritu concinere, sed etiam sequenti Nocte Matutinum, primamque Missam, & hora consueta tertiam quoque Missam decantare; quod comuni omnium plausu approbatum est. Decretum postea fuit, ut Supplicatio, eadem Sanctissimâ Nocte fieri solita post Matutinum, cum Sacris Cunabulis Domini Nostri Jesu Christi, prodiret è Januâ Turri Campanariæ proximâ, totamque Porticus longitudinem, pertransiens, Ecclesiam ingrederetur per Portam auream, in cujus limine Sacra Cunabula aliquantulum subsisterent, Musicis interea canentibus versiculum: *Attollite Portas Principes vestras, & eleva- mini portæ æternales, & introibit Rex gloria:* Ad hæc sancitum, ut eadem Sacra Cunabula publico cultui in Arâ maximâ exponerentur, non tantum die Dominici Natalis juxta præscam Basilicæ consuetudinem, verum etiam in Circumcisione, & Epiphaniâ Domini: quibus diebus ad excitandam, augendamque fidelium devotionem, solemnis quoque Missa Pontificalis decantaretur. Denique Eminentissimus Archipresbyter Porticus, solii, Podiorumque magnificè exornandorum onus perhumaniter in se recepit, relictâ Ecclesiæ, cæterorumque curâ Reverendissimis Canonicis, qui ad cuncta eorum munus respicientia sedulò adimplenda sese promptos, paratosque ostenderunt.

Cum Dominicâ IV. Adventus, qua Jubilei publicatio iteranda erat, in pervigilium Dominicæ Nativitatis incideret, placuit Pontificiarum Cæremoniarum moderatoribus, ut nova hæc publicatio Dominica III. præcedente consueto ritu perageretur. Eâ igitur die, quæ

## (XIV)

quæ fuit XVII. Decembris, postremi duo Rotæ Romanæ Auditores, acceptâ à Sanctissimo, dum ad Sixtinum Palatii Vaticani Sacellum, progrediretur, Jubilei diploma latino, ac italo idiomate, ut moris est, evulgandi facultate, in Varicanæ Basilicæ Porticu coram Officialibus Cameræ Apostolicæ in paratis subfelliis confidentibus, ex Cathedris hinc inde dispositis, prævio, ac subsequenti tubarum, tympanorumque sonitu, & Bombardarum explosione, ejusmodi publicationem complevere. Eâ absolutâ, Pontificii Cursores, utriusque Diplomatis, latini scilicet, ac itali, exemplis ad valvas Basilicæ Vaticanæ affixis, ad reliquas S. Pauli, Lateranensem, & Liberianam Basilicæ equitarunt, apud quas eandem evulgationem eo ipso ritu, qui in Felto SS. Apostolorum Petri, & Pauli servatus fuerat, altero tantum superaddito suggestu pro lectione Diplomatis itali, peregerunt, simulque illorum, Valvis consimilia Diplomatis exempla affixere.

Vespertinis horis diei XX. Decembris tribus assistentibus Reverendissimis Canonicis, nimirum duobus Sacratio Præfectis, & Capituli Secretario, e dissecto interiori muro Portæ aureæ Basilicæ Liberianæ,educta fuit Capsula marmorea continens Numismata inibi recondita à fel. record. Cardinali Morigia ejusdem Basilicæ olim Archipresbytero, qui antedictam Portam novissimo Anno Sancto aperuerat, & obseraverat. Erant Numismata primi moduli, sexaginta ex argento, & nonaginta ex ære, non ineléganter excusa, cum epigrapha ab una parte: *Jacobus Antonius Tit. S. Cecil. S. R. E. Presbyt. Card. Morigia Archipresbyt. Liberianæ Basilicæ Portam Auream aperuit, & clausit*: ab alterâ parte: *Innocent. XII. An. IX. Clemente XI. Sed. A. I. An. Jub.* Consentaneum visum est Liberiano Capitulo ea omnia mittere ad Eminentissimum Archipresbyterum, ut de ipsis arbitrato suo decerneret. Ille Summo Pontifici offerenda censuit, ac unâ misit Malleum argenteum singulari artificio elaboratum, quo in aperitione Portæ Sanctæ uti decreverat, ut Sua Sanctitas Apostolicam ipsi benedictionem impertiri dignaretur, eoque consilio eidem Malleo sequentia verba scalpro incidi curaverat: ab unâ parte: *Malleus à P. O. M. BENEDICTO XIII. pro aperitione Portæ aureæ Apostolicæ benedictione munitus*: ab alterâ parte: *Petrus Card. Ottobonus Sacros. Liberianæ Basilicæ Archipresbyter, & S. R. E. Vicecanc. Anno Jubilei 1725.* Sanctissimus Malleum benedictione, & laudibus decoratum, ac simul Numismata ad Eminentissimum Archipresbyterum intacta remisit, qui statim illa Capitulo reddi voluit. Capitalum denique bina argentea, tria ærea, Vicario, & singulis Canonicis distribuit; reliqua omnia Cardinali Archipresbytero

tero reservavit , à quo ejusmodi Capitularis obsequii testimonium benigne exceptum fuit .

Interea Reverendissimi Canonici strenuam , sedulamque posuerunt operam , ut Basilica splendidè exornaretur . Puniceis igitur sericis Damascenis , aurea distinctis lineâ , media navis Ecclesiæ cum suis , quibus utrinque innititur , columnis , conveltita undique fuit : superadditâ , suspenaque è coronide , prænobili fasciâ ex oloferico villosorubro , aureis ditatâ laciniis , quæ non mediocrem apparatui splendorem , & gratiam adiciebat . Naves laterales attalics stragulis discoloribus circumtektæ . Chorus , intercolumnia , & extrema pars mediæ navis , plurimis encarpis bombycinis congruenter distributis , nec non Lichnorum pensilium , ex christallo , ligneisque frustulis inauratis affabre compactorum , aptèque dispositorum ingenti numero decorata . Solium in Choro pro Eminentissimo Legato contrâ Aram maximam Pontificiam erectum . Chori pavementum prægrandi , ac nobili Tapete constratum . Cetera demum omnia eo studio , ingenio ac ordine constituta , ut ad religiosæ pompæ speciem nihil deesse videretur .

Sub idem tempus curâ , & sumptibus Eminentiss. Archipresbyteri Porticus Ecclesiæ sericis Damascenis puniceis , quæ aureis lineis distinguebantur , circumquaque ornata fuit . Columnæ , eam sustinentes oloferico villosæ ejusdem coloris , cum aureis lineis consimilibus , obduktæ . Janua Sanctior magnificentius ceteris exulta , ejusque superumlimen Attalicâ veste prænobili contektum . Fornicem bombycinis rubris jucundâ varietate metarum summopere decorabat pretiosissimum Aulæum auro textum , pictisque imaginibus adumbratum , quod in ejus meditullio præfulgebat . Ampla deinde fascia ex oloferico villosorubro cum aureis fimbriis totam Porticum præcingens : bombycinæ zonæ sive in gyrum protraktæ , sive in phaleras colligatæ , ac ingeniosè circumquaque dispositæ : quatuor demum nitidissimi , & prægrandes Lichni chrystallini è Fornice pendentes , universo apparatui lucem , decusque maximum afferebant ; sed nihil perinde spectantium oculos oblectabat , ac Solium cum Faldistorio pro Eminentissimo Legato in extremâ parte Porticus juxta Turrim Campanariam erectum , aureo fulgore conspicuum , & undique spirans majestatem , etsi careret Umbellâ pensili , qua in Patriarcalibus Basilicis nemini , præter Summum Pontificem , uti licet . Solii areolam , & subiectos illi gradus , quin etiam Porticus pavementum , lanea peristromata purpurea operiebant . Canonikorum , totiusque Liberiani Cleri subsellia , juxta Solium utrinque collocata , nec non Podia extra , & prope Cancellos erecta , laneis decentibus Aulæis obtektæ sunt . Eam porrò magnificam ,

cam, augustamque speciem universa Porticus præferebat, ut populi, qui frequentissimus ad eam intuendam confluit, unanimiti iudicio nihil excogitari posset elegantius, neque splendidius; adeoque Architecti ingenium effusus laudibus merito fuit commendatum.

Triduo ante Dominici Natalis solemnitatem, jussu Eminentissimi Vicarii, omnium Urbis Ecclesiarum, atque etiam Liberianæ Basilicæ Campanæ, festivo more per statutas horas pulsari cæperunt, ut proxime celebritatis gaudium Fidelibus annuntiarent. In ipso autem Dominicæ Nativitatis pervigilio, in quo sacra cæremonia agenda erat, ab horâ decimaquintâ usque ad decimam sextam, & à decimanonâ usque ad vigesimam secundam pulsatæ sunt. Basilicæ interim sacrarum Cæremoniarum Magistri ea omnia accuratissime instruere, atque parare non omiserunt, quæ in propinqua filiali Ecclesiâ S. Pudentianæ paranda erant, ut Eminentissimus Legatus ibidem ab universo Clero Liberiano, nec non ab omnibus ejusdem Ecclesiæ Regularibus honorificè exciperetur, & postmodum sollemnis Supplicatio, è qua sacræ Functionis initium de more sumendum erat, ad Liberianam Basilicam ritè, ac ordine dirigeretur. Nec sanè minori sedulitate, ac providentiâ curarunt, ut in eadem Basilicâ, ejusque Porticu, itidem parata forent quæcumque ad Sacram Actionem commode, decenterque perficiendam opus erant.

Illuxit tandem lætissima, & optatissima dies referendis quatuor Patriarchalium Urbis Basilicarum Portis aureis destinata, qua etiam Cardinales ad id delecti, atque præmoniti, ad Palatium Apostolicum Vaticanum ab antiquo tempore adire soliti essent, ut à Summo Pontifice ibidem Legati palam renunciarentur, & opportunas acciperent facultates tum Portas aureas cuique assignatas referandi, tum etiam elargiendi præsentibus plenariam peccatorum indulgentiam: ac postmodum Cappis, & Galeris Pontificalibus redimiti, mulas conscendentes, solemni pompâ, magnoque Nobilium Virorum, ac Præfulum comitatu, ad injectum munus obeundum equitare solerent; placuit nihilominus Sanctissimo Patri ipsis hoc anno Vaticanam protectionem remittere, ac benignè indulgere, ut è suis ædibus, rhedâ vecti, ad destinatas quisque Basilicas recto itinere proficiscerentur, & Apostolici à Latere Legati honorem, ac titulum, cum opportunis facultatibus Unicuique privatim attribuit. Legati fuere Eminentissimus Paulutius Episcopus Portuensis, loco Eminentissimi Decani Sacri Collegii, adversâ valetudine prædicti, pro Basilicâ S. Pauli: Eminentissimus Pamphilus Archipresbyter pro Basilicâ Lateranensi: Eminentissimus Otthobonus Archipresbyter pro Ba-

## (XVII)

Basilicâ Liberianâ. Portæ autem Sanctæ Basilicæ Vaticanæ aperitionem Summus Pontifex sibi, ut moris est, reservavit.

Eminentissimus itaque Archipresbyter Otthobonus, sibi injuncto Apostolici Legati munere perfuncturus, circa horam vigesimam memorati diei xxiv. Decembris è Palatio Cancellariæ Apostolicæ discessit, præmissoque splendido comitatu plurimorum Curruum, & copiosi Familiarium, nobiliumque Virorum Cætus, tres dumtaxat Rhedas Præsulibus plenas secum duxit, ut eâ in re Summi Pontificis, qui modum præscripserat, voluntati obsequeretur. Cum ad Atrium Ecclesiæ S. Pudencianæ pervenisset, statim ac è rheda descendit, Cappâ rubrâ indutus est. Magnâ deinde stipatus Aulicorum, Præsulumque turmâ, ad Januam accessit, cujus in limine ab universo Clero Liberiano hinc inde disposito, & ab Ecclesiæ Regularibus, quo par erat, obsequio exceptus fuit. Cappâ explicatâ, flexisque genibus super pulvino ad id subtrato, Crucem à Reverendissimo Canonico Capituli Decano reverenter oblatam devotè osculatus est, Musicis interim concinentibus Antiphonam: *Ecce Sacerdos Magnus*: Mox surgens, accepto de manibus ejusdem Decani Aspersorio argenteo cum aquâ lustrali, seipsum primùm, universumque Clerum Liberianum, deindè Præsules, & frequentissimum populum asperxit. Brevi postmodum peractâ oratione super genuflexorio in mediâ Ecclesiâ præparato, rectâ contendit ad magnificum facellum prænobilis Cajetanorum Familiæ, ibique substitit usque dum Reverendissimi Canonici, & Clerus universus sacra indumenta sumpserunt. Interim verò eidem Eminentissimo Legato sedenti duo Canonici Diaconi ad assistentiam delecti Vestes Pontificales imposuere, nimirum Amictum suprà Rocchetum, Albam, Cingulum, Crucem, Stolam, Pluviale, & Mitram, re, ac nomine pretiosam. Post hæc Reverendissimi Vicarius, & Canonici, nec non Eminentissimus Legatus ad Presbyterium processerunt, ubi in Arâ principe Ecclesiæ Augustissimum Eucharistiæ Sacramentum expositum fuerat, eodemque tempore singulis ex Clero cerei funales, quibus supplicationem comitari debebant, per Clericos distributi, accensique sunt. Eminentissimus in genua provolutus, sicut & ceteri omnes, nudato capite aliquantisper oravit. Mox accepto à Ministris thuribulo, ter de more Sacramento, maximâ cum reverentiâ, & devotione, thus obtulit, Hymnumque præcinit: *Veni Creator Spiritus*: quem Musicorum chorus suavi modulatione profecutus est. Primâ absolutâ Hymni strophâ, Eminentissimus, & reliqui omnes, surrexerunt, datumque initium est solemni Processioni, seu supplicationi à Sacrarum Cæremoniarum Moderatoribus eo, qui breviter enarrabitur, ordine directæ, ac institutæ.

(XVIII)

Anteibant Tympanistæ, & Tibicines Cohortis militum Urbanorum, Tympana pulsantes, & Tubis canentes, ad excitandam populi devotionem, atque lætitiā. Sequebantur duo Basilicæ Ministri cum hastis rubeis, & insigne orbiculatum Conopeum cum consuetâ Campanulâ. Proximè portabatur processionale Vexillum cum Cruce, & Laternis Confraternitatis Sanctissimi Sacramenti, cujus plurimi sodales rubeis faccis induti funalia ardentia gestabant. Post eos, prælatâ Cruce processionali, incedebant R. R. Monachi Congregationis S. Bernardi in Mōnasterio antedictæ Ecclesiæ S. Pudentianæ commorantes. Hos excipiebat chorus Cantorum Basilicæ cum Phonsco, aliisque eā in arte præstantibus, qui ad Sacram Functionem honestandam pretio conducti fuerant, & omnes superpelliceis induebantur. Cantoribus succedebant, Claviger hastam gerens cum argenteâ Imagine Deiparæ Virginis: Clericorum Beneficiorum Decanus Albâ, & Tuniculâ indutus, qui medius inter duos Collegas Candelabra cum accensis candelis gestans, Crucem processionalem Capituli deferebat: R. R. Beneficiati, Clerici Beneficiati, & reliqui ex Clero inferioris Ordinis cum Pluvialibus: deinde Reverendissimi Canonici, inter quos Subdiaconi Tuniculis, Diaconi Dalmaticis, Presbyteri Casulis, duo antiquiores, & Vicarius Pluvialibus, Archiepiscopus autem Amasenus Pluviali, & Mitrâ induti. Eos sequebatur Reverendissimus Capituli Decanus, qui Presbyteri Assistentis munus obibat, dexterâ manu Malleum argenteum portans, aperitioni Portæ aureæ destinatum. Apparebat deinde Eminentissimus Legatus prælongo auriphrygiato Pluviali, & consimili Mitrâ insignis, ceream facem perornatam dexterâ manu gerens, cui duo assistebant Canonici Diaconi cum Syrmatorio, Cæremoniarum Magistro, quatuor Basilicæ Clericis hinc inde dispositis, qui virgas argenteas de more ferebant, pluribusque aliis Legati Familiaribus Presbyteris superpelliceo indutis: præter ingentem turmam Circumpedum, & longum agmen Aulicorum, nec non Præsulum, Nobiliumque Virorum, qui ad exhibendum id obsequii genus eidem Eminentissimo Legato, propter eximia sua decora universæ Urbi mirum in modum accepto, spontè confluerant. Supplicationem denique concludebat subsequens tresdecim magnificarum Legati Rhedarum, aliarumque plurimarum splendidus comitatus. Helvetiorum Custodiæ Pontificiæ manipulus Legatum utrumque stipabat, submotâque irruentis populi turbâ, honorificè affectabatur. Reliquum verò supplicantium agmen Urbani Milites cum suis Officialibus circumferebant, cavebantque, ne compositus rerum ordo ullâ ex parte disturbaretur.

*Hac itaque religiosâ, splendidâque pompâ, quam lætus Campana-*

## (XIX)

panarum, Tubarum, Tympanorumque sonitus prosequabatur, Eminentissimus Legatus ab Ecclesiâ S. Pudentianæ ad Liberianam usque Basilicam profectus est; eoque in itinere cum ipse Legatus, tum ceteri omnes, psalmos, & Litanias devotè recitare non destiterunt, Cantoribus interim dulci modulatione concinentibus, & repetentibus Hymnum: *Veni Creator Spiritus*: Antequàm Eminentissimus ad Basilicæ Porticum perveniret, sodales Confraternitatis Sanctissimi Sacramenti, R. R. Monachi Monasterii S. Pudentianæ, R. R. Patres Pœnitentiarum, Musici, universus Clerus, ac ceteri omnes in assignatis cuique stationibus subistere; Urbanoque milite septa, & Cancellis custodiente, frequentissimi populi turba strenuè coercita fuit, ne confusionem ingereret. Eminentissimus Legatus Porticum ingressus, rectà ad Solium perrexit, ibique confedit, donec, jubentibus Sacrarum Cæremoniarum Moderatoribus, à Campanarum, Tubarum, Tympanorumque fragore cessatum est. Deinde surgens, è Solio descendit: eodemque præeunte Canoniorum, aliorumque sibi assistentium cætu, sinistrâ manu Candelam ardentem tenens, ad Portam auream accessit: acceptoque è manibus Canonici Decani argenteo Malleo, ter percussit tegulam ejusdem Portæ muro infixam, verba recitans præscripta in Rituali typis edito, quod huic Opusculo subjicietur. Post tertium ictum validius impressum, reddito Malleo Canonico Decano, ad Solium eodem comitatu remigravit, ibique sedit. Tunc dato Ministris conducto tintinnabuli signo, Portæ Murus antea circumsectus, & ligneis suffultus præfidiis, quæ ipsum, usque ad constitutam aperitionis diem, integrum sustentarent, repente corruit in suppositum carpentum, quod opifices cum cæmentorum, laterumque reliquiis inde protinus asportarunt. Disrupti muri, apertæque Portæ aureæ jucundissimum, nuncium illicè palam evulgavit ingens Tympanorum, Tubarum, Campanarumque sonus, quem æneorum etiam tormentorum, ac Mortariorum fragor esset subsecutus, nisi id Eminentissimus Legatus districtè inhibuisset. Subindè D. Cardinalis depositâ Candelâ, & Mitrà, è sede surrexit, & Canonico Decano Librum ministrante, præcinit Versiculum. *Domine exaudi Orationem meam* &c. cum oratione: *Actiones* &c. quâ absolutâ, mitratus sedit Candelam tenens. Interea duo Basilicæ Pœnitentiarum quidquid cæmenti supererat circa Portam auream, Malleis undique divellebant: alii duo cum spongiis, aquâ lustrali imbutis, limen, & postes abluebant: duo tandem alii abluta mundis linteis extergebant, Cantoribus eodem tempore concinentibus Psalmum: *Jubilate Deo* &c. quem & ipse Legatus submissâ voce recitavit. His peractis, dimisso iterum Cætero cum Mitrà, surre-

surrexit, & ex libro sibi ministrato præcinuit Versiculum: *Hæc Dies* *Græ.* cum Oratione: *Deus, qui per Moysen:* Deindè resumptâ Mitrà, & Cereo, rediit ad Portam auream, ab universo Clero, ordine tamen inverso, associatus. Ante Portæ limen dimissâ Candelâ, nudato capite, reiectoque pulvino ibidem à Cæremoniarum Magistris appposito, in genua procumbens, humum humiliter deosculatus est; mox acceptâ Candelâ, & parvâ Cruce à Canonico Decano sibi oblata, quam itidem devotè est osculatus, intonuit Hymnum: *Te Deum laudamus:* à Cantoribus exquisitori arte ad finem usque perductum. Hymni primo versiculo finito, surgens D. Cardinalis sine Mitrà cum Cruce, & Candelâ, Januæ Sanctæ postibus devotum præbuit osculum, & per eam primus omnium Basilicam ingressus est, redditâque Cruce Canonico Decano, & Mitrà resumptâ cum Candelâ confedit in decenti folio, prope ipsam Januam præparato. Eminentissimum secuti fuere duo assistentes Diaconi, & Decanus, nec non Vicarius, & cæteri omnes Canonici, qui in paratis subelliis itidem confederunt. Succedebant reliqui ex Clero juxta gradus, & antiquitatis ordinem, qui in ingressu, quæ par erat devotione, ac reverentiâ, impresso Januæ postibus osculo, iter prosequébantur. Post eos maxima circumstantis populi multitudo, quæ ab Helvetiis Custodiæ Pontificiæ militibus cohiberi vix poterat, religionis ardore succensa, certatim sacrum Limen ingressa est; nihil tamen indecorum, aut inordinatum admisit, quod Sacram Functionem ullâ ex parte turbaverit. Statim ac universus Clerus in Ecclesiam pedem intulit, surgens Eminentissimus Legatus, Clero, Capituloque præeuntibus cum Candelis accensis, supplicabundo ritu processit ad Altare Sanctissimi Sacramenti, quò pervenit, cum Musici versiculum canerent: *Te ergo quesumus Græ.* depositâ Mitrà, & Cereo, flexisque humi genibus, ibi aliquantisper oravit; mox iter prosequens, adivit Altare Deiparæ Virginis, ubi pias itidem effudit preces; ac demum ascendit ad Aram maximam Basilicæ, Vesperarum solemnia in Choro celebraturus. Dum Reverendissimi Vicarius, & Canonici, nec non Clerus universus ad stalla, ibidem cuique assignata, progrediebantur, D. Cardinalis oravit primum ante præfatum Altare in Genuflexorio sibi parato, ac subindè ad solium contendit, in quo paululum, mitratus, sedit. Mox stans absque Mitra, Vesperarum initium præintonuit, quas Musicorum chorus ex utroque odeo concinnâ modulatione profecutus, ad finem usque perduxit, omnibus interim sacris Cæremoniis ab Eminentissimo Legato servatis, quæ in Romanis Ritualibus præscribuntur.

Fine Vesperis imposito, Eminentissimus Legatus, stans cum Mitrà, Clero, populoque solemnem Apostolicam benedictionem, imper-



impertitus est; & mox, autoritate sibi à Summo Pontifice attributâ, Indulgentiam plenariam omnibus præsentibus concessit, quam Canonicus Decanus assistens altâ voce publicavit sub formulâ, in memorato Sacræ Functionis Rituali descriptâ. His peractis D. Cardinalis ab universo Clero præeunte associatus, e Choro discessit, adoratoque flexis genibus absque Mitrà Augustissimo Eucharistiæ Sacramento, dum ante ejus Sacellum pertransiret, ad Sacrarium Basilicæ progressus est, ubi cum Ipse, tum ceteri omnes, Sacras Vestes deposuerunt. Subinde Eminentissimus debitam venerationem exhibuit Sacris Redemptoris nostri Cunabulis, ad proximam Ædiculam pridè translatis; quam quidem ædiculam, præter consuetum luminum apparatus, argenteus Lychnus multiplex, & sex alii minores confimiles, congruenter distributi, mirificè illustrabant. Demum, idem D. Cardinalis ab universo Capitulo ad Januam Atrii cum mutuâ gratiarum actione deductus, Currum conscendit, & copioso Præsulum, Aulicorum, rhedarumque prosequente comitatu, ad Palatium Cancellariæ Apostolicæ ante solis occasum reversus est.

Pulcherrimum sanè spectaculum eâ die intuentium oculis exhibuerant Porticus, & Ecclesia, eo, quem enarravimus, magnifico cultu refulgentes; verùm jucundius adhuc, atque venustius præbuere sequenti nocte, cum nitidissimi Lychni Chrystallini antea memorati, & aliæ plurimæ cereæ faces opportunis in locis dispositæ ardere cæperunt. Eum siquidem longè, lateque fulgorem diffundebant, ut depulsis undique tenebris suis cunctis rebus rediret color, & universa Ecclesia non secus, ac diurno tempore colluceret. Propè decimam illius Sanctissimæ noctis horam Eminentissimus Archipresbyter, inclementis cæli, laborumque neglectis incommodis, remigravit, ut decreverat, ad Basilicam; sellæque gestatoriâ, quâ delatus fuerat, in Sacratio egressus, rectâ contendit ad vicinam ædiculam, in qua sacratissima Infantæ Domini Nostri pignora servabantur. Adorato itaque primùm loco, ubi steterunt pedes ejus, ad proximum Capituli Conclave perrexit, ibique Sacris Vestibus cum Pluviali, & Mitrà est ornatus à sex Ecclesiæ Beneficiatis, qui pariter Pluvialibus induebantur. Deinde cum universo Clero ad Chorum supplicabundo ritu processit, ubi Matutinum divinæ laudis officium ex præscripto Cæremonialis Episcoporum solemniter decantavit. Primo tertii Nocturni psalmo inchoato, duobus assistentibus Beneficiatis, psalmos, & preces præparatorias ad Missam privatim recitavit, eodemque tempore ope Familiarium Ocreas, & Sandalia induit. Matutinis precibus persolutis, intonatoque Hymno *Te Deum Laudamus*, quem Musici alternatim de more cecinerunt,

## (XXII)

eodem, quo progressus fuerat, ordine rediit ad Sacrarium. Sacra interim Cunabula à Ministris collocata fuerant supra Altare ipsius Sacrii; cumque D. Cardinalis illuc eo tempore pervenisset, quo Musici concinebant Versiculum *Te ergo quesumus*: in genua procubuit ante præfatum Altare super pulvino subtrato; post finem Versiculi surgens, quatuor illi assistentibus Canonicis junioribus, qui ipsamet Sacra Cunabula mox delaturi Sacras Vestes induerant, eorumque altero acerram ministrante, altero elevante Pluviale, binis thuribulis thus imposuit: quorum uno, flexis iterum genibus absque Mitrà Sacris Liplanis summâ cum reverentia thuris honorem persolvit. Deinde secessit, locum daturus eidem Sacris Cunabulis ad Sacellum Sanctissimi Sacramenti solemnî supplicatione de more comportandis. Hoc autem ordine supplicatio instructa fuit. Præbat simulachrum Sanctissimi Crucifixi, quod plurimi sodales sæpe memoratæ Confraternitatis cereas faces accensas gestantes, nec non illius Cappellanus superpelliceo, & stolâ indutus cum simili face sequebantur. His succedebant Basilicæ Claviger, Crux cum Candelabris, Chorus Musicorum divinas laudes concinentium, univèrsus Clerus inferioris gradus, Clerici Beneficiati, Beneficiati Canonici, Vicarius, & Decanus non Canonicali Cappâ, sed Pluviali ornatus, quoniam Presbyteri assistentis munus in Milsâ solemnî D. Cardinalis obiturus erat. Singuli Cereos accensos deferabant. Post eos à quatuor Canonicis junioribus ~~antedictis honorificentissime~~ portabantur Sacra Cunabula inclusa in argenteâ Capsulâ oblongâ magni ponderis, summo elaboratâ artificio, & omni ex parte Christallis, unde quinque eorumdem Cunabulorum asseres commodè inspiciebantur, ornatâ, quam cl. mem. Catharina Hispaniarum Regina Catholica ante Seculum Basilicæ dono dedit. Capsulam excipiebat prænobile fere-trum, quod thalamum vocant, supernè umbellâ auriphrygiatâ decoratum, & binis ligneis subnixum validis fulcimentis, quæ iidem Canonici ex utrâque parte dispositi humeris, & manibus sustinebant. Alia deinde longè amplior, atque nobilior umbella superimposita, cujus hastæ a R. R. Patribus tertii Ordinis S. Francisci in Cenobio SS. Cosmæ, & Damiani commorantibus gestabantur, nec non duo de viginti Cerei à Sodalibus prædictæ Confraternitatis, & aliis delati religiosam Sacratissimi pignoris pompam augebant. Supplicatio denique agmen coronabat Eminentissimus Archipresbyter, Pluviali, & Mitrà conspicuus, cujus funalem Cereum nobilis Aulicus Ecclesiasticus præferebat.

Eo itaque ordine instituta supplicatio ab Ecclesia per Januam Turri Campanariæ vicinam prodixit in Porticum, quæ ardentissimè  
Ly.

## (XXIII)

Lychnorum fulgore illustrata, speciem præbebat venustissimam. Inde ad Basilicam remigravit per Portam auream, cujus Postibus singuli prætereuntes pia oscula admovebant. Ipso in limine ejusdem Portæ Sacra Cunabula gestantes subistere, ac universa pariter supplicatio gradum continuit; dum Cantores occinere cæperunt Versiculum *Attollite Portas Principes Vestras*: Eminentissimus Archiepiscopus ante ipsam Janum depositâ Mitrâ, flexis genibus super pulvino, acceptoque thuribulo, iterum Sacra Lipsana Thure veneratus est. Mox surgens, Mitram reassumpsit, & continuatam supplicationem devote subsequens, processit ad Sacellum Augustissimi Sacramenti, cujus in Altari, erecto suprà Aram subterraneam Sanctissimi Præsepis Domini N. Jesu Christi, Sacra Cunabula collocata fuere, & Fidelium cultui cum decenti Luminum apparatu palam exposita. His peractis D. Cardinalis, medius inter quatuor Canonicos, qui Sacram Sarcinam comportaverant, recitatâ Oratione in Breviario Romano præscriptâ, Matutino Officio finem imposuit. Postmodum in genua procumbens, Sacris Lipsanis denuò thuris honorem exhibuit. Deindè ad faldistorium proximè paratum secessit, ubi dimisso Pluviali cum Mitrâ, Sacris Vestibus ad solemnis Sacrificii celebrationem necessariis ritè, ac ordine indutus est. Demum ad Altare progrediens, Divinam Hostiam solemnem pompâ immolavit, universo assistente Capitulo, & Clero; quibus, iis nimirum, qui Sacerdotalis dignitate insigniti non erant, inter celebrandum, Sacram Synaxim præbuit omnibus: accuratè servatis ritibus, quos vel Ceremoniale Episcoporum statuit, vel peculiaris Basilicæ consuetudo induxit. Insignium Musicorum cantus cum Symphoniarum jucundâ varietate conjunctus Sacrificii splendorem, & majestatem auxit.

Primâ finitâ Missâ, Eminentissimus cum Ministris ad Sacrum rediit, & in ejus ædiculâ secundam Missam privatim celebravit, post quam sacris exutus Indumentis ad proxima Canonicalia Cubicula Reverendissimi Archiepiscopi Amaseni secessit, ibique permansit, donec tertiam Missam solemnem decantandi tempus advenit. Intereâ in præmemorato Sacello Sanctissimi Sacramenti Laudes cum primâ Divini Officii Horâ recitatæ fuerunt; iisque absolutis, unus ex Canonicis inibi secundam Missam solemniter decantavit. Post eam Sacra Cunabula supplicando ritu ad Chorum translata, publicæque Fidelium venerationi in Arâ maximâ Pontificiâ, ut moris est, exposita fuere. Propè horam decimamseptimam D. Cardinalis ad Sacrum descendit, sumptæque Cappâ, universo subsequente Capitulo, & Clero perrexit ad Chorum, ubi flexis super

## (XXIV)

pulvino genibus ante Sacra Cunabula preces fudit ; Mox accessit ad Falditorium, sedit, & dum Cantores suavi, sed lentâ modulatione, tertiam Divini Officii Horam concinebant, preces præparatorias ad Missam denuò legit, sacrasque subindè Vestes induit. Quibus ornatus tertiam Missam Pontificali more, eâdemque prorsus solemnî pompâ, qua primam concinuerat, decantavit in consueto Altari Canonorum, quod, amoto folio superioribus diebus ibidem erecto, pristinum in locum fuerat restitutum. Tertiâ seriùs finitâ Missâ, incunctanter ad Sacarium remigravit, ut reliquæ Divini Officii Horæ celeritùs in Choro persolverentur, sacrisque dimissis Indumentis, & actis Deo gratiis, ab universo Capitulo honorificè ad Curram usque deductus è Basilicâ abiit.

Vespertino tempore Eminentissimus Archipresbyter nullis fessus laboribus iterùm ad Basilicam reversus est, & Vesperis a Reverendissimo Archiepiscopo Amaseno in Choro solemniter decantatis interfuit unâ cum pluribus aliis Eminentissimis Cardinalibus, qui ad exhibendam Sacris Cunabulis debitam venerationem pio studio confluerant. Primâ circiter noctis horâ, eorumdem Venerabilium Lipsanorum Capsula, pluribus assistentibus Canonicis, recondita fuit in aliâ lignèâ decenti Arcâ, in qua jugiter asservari consuevit ; eandemque Arcam subindè Clerici Ecclesiæ, congruo luminum comitatu, rursus transtulerunt ad ~~ad~~ ædiculam Sacrarii, & supra illius Altare collocarunt. Obsecratis demum Ædicolæ foribus, interclusus est ad eam aditus, & custodiendæ clavis curam Reverendissimus Canonicus Decanus in se recepit :

Primâ die insequentis Mensis Januarii, Dominicæ Circumcisioni dicatâ, sub solis ortum Sacra Cunabula ab Ædiculâ Sacrarii, decenti luminum apparatu, ad Chorum devecta fuerunt, & in Arâ maximâ Pontificiâ rursus publicæ fidelium venerationi proposita, juxta Decretum Capitularis Conventus antea memorati. Divinarum laudum penso ibidem persoluto, Reverendissimus Archiepiscopus Amasenus consueto Ritu Missarum solemnia celebravit, quibus interfuit Eminentissimus Archipresbyter cum universo Capitulo, & Clero. Vesperas in eodem loco Reverendissimus Decanus solemniter concinuit. Post finem Completorii Sanctissimus Pontifex BENEDICTUS XIII. privato cultu ad Basilicam venit à Capitulo, & Clero in Porticu congruis obsequiis significationibus exceptus. Sumpto de manu Reverendissimi Vicarii aspergillo cum aquâ lustrali se primum, ac deinde Vicarium, Canonicos, & alios benignè asperxit. Mox ad Portam auream progrediens, quatuor illius Custodes Sodales Confraternitatis Sanctissimi Sacramenti ad Pedis osculum admisit,

ac in genua provolutus, ejusdem Portæ limen, & Postes devotè ex-  
 osculatus est; deinde Basilicam ingressus recta adivit Sacellum San-  
 ctissimi Sacramenti, ubi iterum flexis genibus aliquantisper oravit.  
 Mox ascendit ad chorum, nova argentea Frontalia Aræ maximæ  
 cum consimili gradu Candelabrorum sedulo circumspexit, & piam  
 Eminentissimi Archipresbyteri liberalitatem dignis extulit laudibus.  
 Post hæc in genua procumbens suprà suppedaneum Sacra Cunabula  
 veneratus est, eorumque argenteam Capsulam è thalamo ad Altaris  
 Mensam demitti voluit, ut inclusos Sacros asseres commodiùs intro-  
 spicere posset. Cumque hoc Ipsi satis non esset, referendæ Capsulæ  
 ingens desiderium ostendit; eâ tamen in re Pontificis votis obsecun-  
 dare non licuit, quoniam nullus prestò erat claustrarius Artifex, cu-  
 jus opera ad id prorsus necessaria visa est. Quocirca Summus Ponti-  
 fex, suis rursus ante Sacra Lipsana piis precibus, perrexit ad vicinum  
 Sacellum Deiparæ Virginis, ibique aliquantulum oravit, ac demum  
 universo Capitulo, & Clero eum obsequentissimè deducente, è Ba-  
 silicâ abiit. Illicò Sacra Cunabula pristino reposita loco, & paulo post,  
 nempe sub primam noctis horam inclusa in Arcâ consuetâ, ad Ædi-  
 culam Sacrarii decenter revecta fuere.

Quartâ die præfati Mensis Januarii, cum Summus Pontifex pri-  
 vato cultu quatuor Patriarchales Basilicas consequendo Jubileo desti-  
 natus primum obiret, ad Liberianam, sole jam in occasum vergente,  
 pervenit. Abstiniuit ab illius ingressu, ne Fidelibus eandem Visita-  
 tionem peragentibus impedimento esset, pro more, quem in aliis quo-  
 que Basilicis tenere cæperat, & per Januam Atrii, cujus in limine Ca-  
 pitulum, & Clerus Illi reverenter occurrerunt, perrexit ad Chorum  
 Sacrario proximum. Ibi foribus obleratis, & exclusis omnibus, præ-  
 ter Cruciferum, oravit ante Altare in genuflexorio præparato, piis-  
 que suis finitis precibus, per eandem Januam à Capitulo, & Clero  
 associatus ad Palatium Vaticanum remigravit.

Summo manè recurrentis Festi Dominicæ Æpiphaniz veneran-  
 da Cunabula ex Capitulari Decreto rursus ad chorum deportata, &  
 Fidelium conspectui, pioque cultui in Aræ maximâ tertio exposita  
 sunt. Dum à Capitulo, & Clero Divinæ Laudes ibidem ex more,  
 persolverentur, Eminentissimus Archipresbyter pio ductus studio  
 sequendi exemplum Summi Pontificis, qui eâ die, præter veterem  
 consuetudinem, solemni ritu sacrificare in Vaticano Templo consti-  
 tuerat, venit ad Liberianam Basilicam, & donec prima Divini Offi-  
 cii hora in choro expleta fuit, substitit in Sacrario, audivitque Missam  
 lectam in proximâ ædiculâ. Deindè sumptâ Cappâ, Cubiculario cum  
 argenteâ Clavâ honorariâ, ac aliis ejus Aulicis præeuntibus, Clero

autem, & Capitulo subsequētibz, processit ad chorum, ubi primum oravit aliquantisper flexis genibus ante Sacra Cunabula; Mox surgens, ad Faldistorium progressus est. Ibi sedens, dum à Musicis tertia Divini Officii hora decantabatur, preces preparatorias ad Missam recitavit, depositaque Cappâ Sacras Vestes induit; quibus ornatus Sacrificium fecit in Altari Canoniorum eadem prorsus solemnī pompâ, quam in tertiâ Missâ in die Domini Natalis celebratâ servaverat, additâ dumtaxat Sacrâ synaxi, quam Capitulo hac die, & Clero, iis nempe, qui Sacerdotes non erant, religiosissimè præbuit. Missâ absolutâ incunctanter ad Sacrarium reversus est, & Sacris dimissis Indumentis, ac psalmis cum precibus pro gratiarum actione recitatis, è Basilicâ discessit. Vesperas eâ die Reverendissimus Canonicus Decanus consueto ritu decantavit. Postremò cum Fidelium pietati, ac religioni satisfactum esse videretur, post primam noctis horam Venerabilium Cunabulorum Capsula, pluribus assistentibus Canonicis, demissâ ab Arâ Pontificia, & in consueta Arcâ devotè reclusa fuit; Quam quidem Arcam subindè Ministri Ecclesiæ detulerunt ad antiquum Ciborium, seu Tabernaculum marmoreum perpetuè illius custodiæ destinatum; eaque ibidem collocata, Tabernaculi Ostiolum obferarunt tribus clavibus, quarum unam Vicario, alteram antiquiori Camerario, tertiam demum antiquiori itidem Sacristæ Majori, apud quos asservari solent, tradiderunt.

Dum ipsamet Sacra Cunabula solemnī, quam enarravimus, pompâ publico cultui Fidelium exposita in luce, & oculis omnium versabantur, & frequentissimus ad illa invisa, ac veneranda populus confluebat, probi quidam, piique viri ab Ecclesiæ Ministris curiose sciscitati sunt, quo tempore, quave occasione pretiosissima hæc infantie Redemptoris nostri monumenta, tum etiam Sanctissimum Præsepæ, cujus glorioso præceteris titulo Basilica decoratur, ex Palestina ad Urbem avecta fuerint; nec admodum congruum sciscitantibus responsum redditum est. Hinc ad motus mihi stimulus remane hæc non satis explicatam accuratius investigandi, & certa ab incertis, vera à falsis secernendi. Quocirca operæ pretium me facturum puto, si ea, quæ de hoc argumento non absque multo labore colligere mihi licuit, in medium proferam.

Densa planè caligo ejusmodi translationis historię offusa conspicitur ex defectu, vel potius silentio Scriptorum rei gestæ æqualium. Hinc orta apud recentiores Historicos sententiarum varietas, qua deterritus, ut opinor, Paulus de Angelis (*lib. 2. Cap. 1. prope fin. & lib. 6. Cap. 4. prope fin.*), qui Liberianæ Basilicæ descriptionem Libris XII. complexus est, typisque nitidissimis excudit, controversiam attingere non

non est ausus; eamque declinans, producit dumtaxat manuscriptum Codicem Transiberini Cœnobii Monialium S. Cæcilie incertæ ætatis, ignotique authoris, in quo asseritur: Sanctum Liberium Papam primum Basilicæ fundatorem collocasse in eâ Præsepe, & Cunabula Nostri Redemptoris. Verba Codicis sunt: *Quam præfatam Basilicam idem Pontifex in honorem Dei, & B. Mariæ Virginis consecravit. In qua quidem sibi Præsepe Domini, Cunabula, Forum, & pannos Domini Nostri Redemptoris in ejusdem Præsepis Altari miro ordine reverenter cum multis aliis Apostolorum, Martyrum, Confessorum, atque Virginum reliquiis, quorum nomina supervacaneum est nominare, collocavit.* Hactenus allatus Codex, cujus fidem, & Pauli de Angelis auctoritatem sequutus Oldoinus (In Not. ad Ciaccon in Vita Liberii.) hæc asserere non dubitavit: *Sacellum à se in exquilis à fundamentis erectum, sicut ex pervetustis Martyrum Actis manuscriptis accepimus, Præsepio, in quo Christus recens natus à mortalibus exceptus fuerat, & fœno ditavit Liberius; ex quo aperte deducimus Præsepis Sacellum eodem tempore excitatum, quo expensis Joannis Patritii, ejusque Uxoris erecta, & consecrata fuerat Basilica illa Liberiana; eandemque Basilicam, teste Paulo de Angelis, ipsemet Liberius Sacerdotibus Pœnitentiariis, Sacraque Virginis Imagine munivit.*

Huic autem manuscripto Codici S. Cæcilie, ac simul Oldoini sententiæ illud in primis aperte refragatur, quod Sacra Lipsiana in eodem Codice descripta, ubi ad Urbem allata fuerint ante Liberium, qui sedere cæpit Æræ Christianæ anno 352, à nemine probabilius, vel certe commodius afferri potuerint, quàm à S. Helenâ Constantinii Augusti Matre. Ipsa etenim, Eusebio teste (In vita Constantin. lib. 3. Cap. 41., & 42.) in Palestinâ diù versata, Christi passionis instrumenta adinvenit, & Locis Sanctis Gentilium superstitione pollutis debitam venerationem restituit. (Card. Baron. Annal. Eccles. ann. 326. num. 62.) Ipsa iisdem in locis, sumptus Augusto Filio liberaliter suppeditante, magnificas ædificavit Ecclesias. Ipsa Romam adveniens, ut Card. Baronius (Ibid. n. 63.) tradit, secum avexit, & in suâ Heleniana Basilicâ religiosissimè collocavit partem Sanctissimæ Crucis, ac illius titulum, & unum ex clavis. Ipsa demum, ut ex eodem Baronio (Ibid. n. 62.) atque etiam ex Pagio (Critic. in Annal. Baron. ann. 326. n. 15. tom. 1.) colligitur, anno 326., nimirum sex & viginti annis ante Liberii Pontificatum in Urbe decessit. Nulla tamen cum apud prædictos Scriptores, tum apud alios ab eis nominatos, occurrit mentio, quod piissima Augusta, præter Sacras Reliquias suprà enunciatas, Præsepe etiam, & Cunabula Domini ad Urbem asportaverit. Quod certè silentio præterire minimè debuissent, ubi re verâ ejusmodi translatio facta ab eâ fuisset.

## (XXVIII)

Negativo huic argumento ( quod ceteroqui in rebus antiquissimis non levis momenti est ) robur accedit ex prænobili Templo ab eadem S. Helenâ constructo suprâ obscurum illud antrum, in quo, ut Eusebii verbis utamur, nobiscum Deus in terris nasci pro nobis sustinuit; quod quidem antrum monumentis eximiis, & variis cuiusque generis insignibus illustravit. Imperator autem paulò post ornamentis regalibus locum ipsum decorare, atque donariis ex auro, & argento variisque Aulæis Matris suæ magnificentiam, ut idem Eusebius, atque etiam Baronius narrant, adaugere cæpit. Quis itaque sanæ mentis dixerit, piam Augustam adduci unquam potuisse ad amovendum ex Antro Betlehemitico, atque aliò amandandum Sanctissimum Præsepe, cujus in Honorem, ac cultum adeò sumptuosam Ecclesiam ædificaverat, & tam ipsa, quàm Augustus Filius, muneribus ditaverant splendidissimis. Quod autem non est verisimile, ut Jurisconsulti loquuntur, imaginem habet falsitatis.

Hactenùs dicta expresse confirmant plures Epistolæ S. Hieronymi, ac illa præsertim, qua post obitum Liberii, ejusque Successoris Damasi, ab Urbe in Palestinam reversus, Marcellam Romanam Matronam hortatur, ut relictis magnificis Patriæ Porticibus, & auratis Laquearibus, ad Betlehemiticum Christi rus veniat, ac digito in Præsepe Domini, & Cunas intento, illi indicat istorum Pignorum Sanctimoniam, dicens (*Ep. 18. To. 1.*): *Quo sermone, qua voce Tibi Speluncam Salvatoris exponam! & illud Præsepe, in quo Infantulus vagiit, silentio magis, quàm infimo sermone honorandum est.* Et paulò post: *Betlehem ecce in hoc parvo terræ foramine Calorum Conditor natus est: hic involutus pannis: hic visus à Pastoribus: hic demonstratus a stellâ: hic adoratus a Magis.* Rursus in *Epistola 48. Tom. 1.*, qua scelestissimo Sabiniano Diacono flagitia exprobrat, ab eo admissa in Sanctioribus Locis Betlehemitici Monasterii, ubi Sanctus Doctor aderat pietati Romanarum Virginum, & Matronarum illuc ab Urbe accitarum, solitariae vitæ Magister, disertè meminit Prælepis, & Cunarum: ibi: *Tu inter ostia quondam Prælepis Domini, nunc Altaris, amatorias epistolas fulciebas, quas postea illa miserabilis, quasi flexo adoratura genu, inveniret, & legeret: & inferius: Totum quidem de te credi potest: sed veneratio Prælepis, & Campi non me sument plus credere, quàm te voluntate, & animo corruisse:* Et paulò post: *jam tibi & scala, per quas deponeres miseram, parabantur: jam iter dispositum, decreta navigia, condita dies, fuga animo pertractata; & ecce Angelus ille Cubiculi Mariæ janitor, CUNARUM DOMINI CUSTOS, & Infantis Christi gerulus, coram quo tanta faciebas, ipse te prodidit.*

Ex verbis Sancti Doctoris, quem è vitâ decessisse anno 420. (*Baron. ann. 420. n. 29. Et in Not. ad Martyrolog. 30. Septembris. Pag. in Crit. ad*



ad d. ann. Tom. II. *Prosper in Chronico*) & alii tradunt, manifestè colligitur, ipso vivente, Præsepe, & Cunabula Domini in Antro Bethlemítico extitisse. Id ipsum præclare statuit Cornelius à Lapide, dicens: *In hac Basilica (Liberiana) conditum est Præsepe Domini, Cuna, fenum, & panni, quibus involutum fuit Verbum Infans, quæ Sanctum Hieronymum, Sanctam Paulam, & Nobilitatem Romanam olim traxerunt in Betlebem.* Quin etiam eundem Sanctum Hieronymum ibidem apud Dominicum Præsepe sepultum fuisse, Martyrologium Romanum præ cæteris apertè testatur. Quomodo ergo Liberius, qui multò ante Hieronymi obitum, nempe anno 367, teste Baronio, (*In Annal. ann. 367.*) mortalitatem expleverat, in Basilica à se Romæ constructâ eademmet Sacra Lipsana recondere potuit?

Rejectâ, explosâque, huiusmodi translatione perspicuè commentitiâ, & quarto seculo falsò attributâ, convertimur nunc ad inquirendum tempus veræ translationis Sacrorum illorum Pignorum, eamque contigisse opinamur circa annum Christi 644, quo tempore, cum jam Saraceni Palestinam invasissent, subtrahenda fuerunt eorum injuriis sanctiora quæque Lipsana, ibidem prius religiosissimè custodita.

Sententiæ nostræ faciem præfert Marianus Victorius Episcopus Reatinus in Vita S. Hieronymi (*Initio Oper. S. Hieronym. Edition. Roman. 1576. Tom. I.*) à Baronio (*ann. 420. n. 30.*) ceteris omnibus antelata, in qua propè finem hæc tradit. *Humatus post mortem in Betlebem fuit, exequiis illi ex Christianâ Religione, ut Antonium Paulo fecisse ipse refert, ritè antea celebratis. Translatus inde postea Romam est cum Christi Salvatoris nostri Præsepio septimo Idus Maji, eo scilicet die, quo Præceptoris sui Gregorii Nazianzeni Festum agitur.* Duplicem Translationem Corporis Sancti Hieronymi ad Urbem memorat Petrus de Natalibus: (*Catalog. Sanctor. lib. 4. cap. 145.*) primam, quam putat factam sub Cyrillo Episcopo Hierosolymitano: sed hæc, ut falsa, nulliusque authoris testimonio comprobata, meritò rejicitur à Baronio (*In Not. ad Martyrolog. 9. Maji V. Translatio S. Hieronym.*): secundam, quam factam asserit, cum Saraceni Palestinam invasissent; & hanc, ut veram probat, libentique animo suscipere proficitur idem Baronius, cujus opinionem cum Lubin (*In Not. ad idem opus Tabul. 6. 9. Maji.*) nos quoque constanter amplectimur. Cum igitur Corpus Sancti Doctoris Romam translatum eo tempore fuerit, quo Saraceni in Palestinam irruperant, ad eam quoque ætatem, juxta sensum Victorii, & Cornelii à Lapide referenda est tum Præsepis, tum etiam Cunarum, de quibus agimus, translatio. Nec dissentire videtur Baronius, qui

speciatim de Præsepe differens, non primis Ecclesiæ seculis, sed longè postea; illud ad Urbem avectum fuisse tradit. (*Ann. i. n. 5.*) Ejus verba sunt: *Porro Christi Natalis nobilissimum monumentum ex ligno confectum, nullæque argenti, vel auri calaturâ contextum, post multa tempora inde translatum, Roma possidet; eoque multò felicius illustratur, quàm iugurio Romuli, quod intextum ex stipulâ eorum Majores ad multa secula de industria conservarunt.*

Investigandum modò superest quo potissimum tempore Saraceni Palestinam invaserint, ut inde colligi possit tempus, & occasio, qua sacra illa pignora è Palestinâ Romam perlata fuerint. Postquam Heraclius Imperator Crucem Dominicam à Persis receptam unacum Zachariâ Hierosolymorum Patriarchâ, ceterisque Fidelibus captivis, Sanctæ Civitati restituerat eâ percelebri pompa, cujus memoriam Ecclesia quòtannis recolit die 14. Septembris, Saraceni, seu Arabes instituta sectantes Pseudoprophetæ Mahumetis, (qui anno 632. occubuerat) Heraclium funesto, diurnoque bello vexare ceperunt, ac illud sub variis Ducibus, seu Caliphis usque ad obitum ejusdem Imperatoris, (*Theophanes ad ann. Heracl. 30.*) qui anno Imperii sui 31., Christi 641., decessit; quin etiam cum illius Successoribus, eâ planè mirâ felicitate gesserunt, ut plures Græci Imperii Provincias, Syriam præsertim, Phœniciam, Ægyptum, & Palestinam occupaverint, ipsâque tandem Hierosolymâ armis expugnatâ potiti fuerint, quemadmodum ex Cedreno, Theophane, Baronio, Pagio, & aliis satis constat. Anno præsertim Christi 634. cum Omarus, seu Umarus tertius Calipha Saracenorum, maximè secundâ in præliis usus fortunâ, plura munitissima oppida, atque etiam Damascum suam in potestatem redegisset, tanto metu perculit Heraclium, obfidionis illius Urbis exitum prope Edessam expectantem, ut ipse, *quasi rebus desperatis, Syriâ relictâ, & venerandis Lignis Crucis vivificæ Hierosolymâ asportatis, Constantinopolim recesserit.* (*Cedren., & Theoph. ad ann. Heraclii 24. Zonar. Tom. 3. in Heracl.*) Quod egit Heraclius, exemplo fuisse ceteris existimandum est, ut sanctiora quæque in eâ Palestinæ calamitate ad tutiora loca asportari satagerent, ne Saracenorum manibus polluerentur; & ad proximè consequentia tempora, ut supra diximus, translationem Præsepis, Cunarumque Domini pertinere constanter arbitramur. Sed major adhuc, imò longè splendidior, sententiæ nostræ lux affulgebit ex iis, quæ mox dicturi sumus.

Ab ipso suæ ædificationis, insigni miraculo, illustratæ primordio usque ad annum Christi 642., Ecclesia Sanctæ Mariæ Majoris variis nominibus appellata fuit, nimirum *Sancta Maria, S. Maria ad Nives,*

ves, *Basilica Liberii, Basilica Sixti, & Basilica Sanctæ Dei Genitricis*, quemadmodum ex Libris Sacramentalibus, Antiphonariis, & Missalibus sub Sancto Gregorio Magno ordinatis, nec non ex regesto Epistolarum ejusdem B. Gregorii, ex Anastasio, Baronio, cæterisque Scriptoribus Ecclesiasticis abundè liquet. Deindè sub Theodoro Papa, qui Sedem Romanam tenuit ab anno Christi 642. usque ad annum 649., eadem Basilica vocari cæpit S. Maria ad Præsepe; quo nomine primùm insignita occurrit apud Anastasium in Vitâ ejusdem Theodori his verbis: *Roman fugit Mauritius ad B. Mariam ad Præsepe, quem tollentes de Ecclesiâ miserunt bojam in collum ejus.* Et hoc novo vocabulo idem Anastasius eam deinceps passim nuncupat in subsecutis Pontificibus Martino I., Eugenio I., Gregorio II., Gregorio III., Stephano III., Hadriano I., Leone III., Paschali I., & aliis. *Seriùs tandem ipsa Basilica, ut que novitate miraculi, ac dignitate ceteris ejusdem nominis Basilicis præstabat, vocabuli etiam excellentiâ significaretur, ECCLESIA S. Mariæ MAJORIS dicta est;* (Breviar. Roman. 5. Augusti); eamque appellationem Bibliothecarius illi primùm attribuit in Gregorio IV., qui sedere cæpit anno 827., ubi hæc ait: *Et in eâ (Ecclesiâ S. Mariæ Transyberim) fecit Præsepium ad similitudinem Præsepîi S. Dei Genitricis, quæ appellatur MAJORIS.* Et rursus in ejusdem Gregorii Successore Sergio II. *Ipse verò à Deo proteclus, & præclarus Pontifex pro remedio, & futurâ animæ suæ retributione, Cameram Præsepis Domini nostri Jesu Christi, quod Basilica Beata Dei Genitricis Domina nostræ conneclitur, quæ MAJOR ab omnibus nuncupatur, argenteis tabulis, ac deauratis, habentibus historiam B. Dei Genitricis Mariæ, magnificè, atque præcipuè perornavit.* Cæpit igitur Liberiana Basilica nuncupari SANCTA MARIA AD PRÆSEPE sub Theodoro Papa, ut diximus, nec ante illius Pontificatum, nempe ante annum Christi 642., hoc nomine (quod sciamus) à quoquam appellata reperitur. Hinc porrò certissimum, ac irrefragabile elicitur argumentum, quod recens hæc Sanctæ Mariæ AD PRÆSEPE denominatio eidem Basilicæ tunc attributa, non aliundè manaverit, nisi ex Præsepe, eique adjunctis Cunabulis, quæ, Theodoro sedente, & non antea, ex Berlehemiticâ Ecclesiâ ad Romanam Liberianam Basilicam delata fuerant.

Nec planè rationes defunt abundè suadentes, memorata sacra pignora, Theodoro Papa sedente, ac strenuè adnitente, è Palestina ad Urbem conveclta fuisse; Nam erat ipse Pontifex Hierosolymitano parente natus, & ad sacra Lipsana conquirendâ, ultrò propensus; fundavit siquidem in Patriarchio Lateranenfi Altare Sancti Silvestri ad Sancta Sanctorum subindè dictum, & proximum Sacellum Sancti Laurentii, in quo tum ille, tum.

Suc-

Successores Pontifices intulere Reliquias omnium pretiosissimas, & Palestina præsertim asportatas. (*Pancirolo de Sacr. Urbis Roma Thesaur. Reg. 2. n. 12.*) Religiolum insuper ejus studium ad honoranda sacris Aedibus, & donis Christi Martyrum, aliorumque Sanctorum Lipsana maximè intentum probant Ecclesiæ S. Valentini ad Pontem Milvium, & B. Euplii ad Portam Ostiensem, ab eo constructæ: nec non Corpora SS. Martyrum Primi, & Feliciani eruta ex arenario Viæ Nomentanæ, adducta Romam, recondita in Ecclesia S. Stephani in Monte Celio, & donis ornata, ut Bibliothecarius, Ciacconius, Platina, & alii memorant in ejus vita.

Suppetebat præterea Theodoro Papæ occasio aptissima ad Sacras Reliquias ex Palestina ad Urbem transferendas per Stephanum Dorensem Episcopum, qui non semel ex illa Regione ad eundem Pontificem venit, ut communis paterni soli pericula tum à Barbaris, tum etiam ab Hæreticis impendentia illi patefaceret, opemque gravissimis malis imploraret à Sedis Apostolicæ providentia. (*Ex Libello ejusd. Stephani, de quo in 2. Secr. Conc. Lateran. sub Martino I. ann. 649.*) Hunc enim Præfulem inter Comprovinciales Palestinæ præcipuum Sophronius Patriarcha Hierosolymitanus, morti proximus, secum duxerat in Sacrum Calvariæ Montem, & præcepto, ac jurejurando per Sanctissima illa, quæ oculis patebant, & manibus atrectabant, nostræ Redemptionis monimenta obstrinxerat, ut quantocius Romam adnavigaret, & afflictis Christianorum rebus, divinoque in primis cultui suppetias à Pontifice flagitaret. Patriarchæ mandatis non impigre obsequutus Episcopus Dorensis illicò Romam contendit, & Papæ Theodoro exponens, quæ commissa sibi fuerant, parem in Romano Pontifice reperit sollicitudinem, & studium occurrendi illius Provinciæ necessitatibus. Ornavit itaque Theodorus Stephanum, Dorensem Apostolici Vicarii potestate in Hierosolymitanam Sedem, morte Sophronii vacantem: ac ipsum illuc remisit anno circiter Christi 643., ut ex Baronio colligitur; eique præ ceteris injunxit, ut hæreticis Monothelitis fortiter obfisteret, & cetera sacra sedulo procuraret. Quæ autem in ea Provincia gesserit idem Stephanus sub Theodoro Papa, ejusque Successore S. Martino, exquiri possunt ex Libello ejusdem Stephani inserto in Secretario 2. Concilii Lateranensis sub præfato Martino Papa, & ex literis ipsius Pontificis ad Joannem Episcopum Philadelphię, relatis, & fusè explicatis a Baronio (*Ann. 643. n. 16. 17., & 18. & Ann. 649. n. 15., & 84.*); ex quo præterea discimus Hierosolymam, & Palestinam cum adjacentibus Regionibus pere a tempora Saracenorum tyrannidi fuisse subiectas.

Pulcherrima itaque, ut ad propositum revertamur, Theodo-

ro Papæ oblata fuit occasio transferendi è Palestina ad Urbem Sacra-  
Lipsana, de quibus agimus, eamque minimè neglexisse censendus  
est Pontifex Hierosolymâ oriundus, sacris Reliquiis conquiendis in-  
tentus, à Patriarcha Hierosolymitano per sacra omnia rogatus, ut  
afflictis Palestinæ rebus opem ferret; Qui Episcopo Dorenli, ad ejus-  
modi translationem curandam maximè idoneo, commodè uti poterat,  
dum ipsum ad illas partes remisera, ut vacantem Patriarchatum Hie-  
rosolymitanum cum potestate Vicarii Apostolici administraret; Qui  
optimè omnium noverat, quanto in periculo pretiosa salutis nostræ  
monimenta illic versarentur, cum orthodoxa fides à Monothelitis  
hæreticis dirum in modum oppugnaretur, & universa Palestina sub  
Saracenorum jugo misere laboraret; Quidem pro Pastoralis om-  
nium Ecclesiarum sollicitudine maximè obstringebatur sedulam, stre-  
nuamque navare operam, ut sacra quælibet illius Provinciæ à Bar-  
barorum captivitate, & prophanationibus vindicata ad tutiora loca  
convektarentur. Vidimus tunc, & non antea accessisse Basilicæ no-  
num vocabulum S. Mariæ ad Præsepe. Vidimus idem vocabulum,  
postquam, Theodoro sedente, primum audiri cæpit, sub illius pro-  
ximis Successoribus continuò memoratum. Discimus insuper ex Ana-  
stasio *In Martino l. ann. 649. Ciaccon. in eod. Paul. de Angel. lib. 6.*  
*cap. 5. pag. 117.* & aliis, ab illis maximè temporibus augeri cæ-  
pisse Basilicæ venerationem; ac in morem inductum, ut Sum-  
mus Pontifex frequentius ibidem, præsertim verò in nocte Do-  
minicæ Nativitatis in Cappella Præsepis solemne factum faceret;  
nec non publicæ supplicationes (*Anastasius in Sergio l. ann. 687.*)  
quatuor in anno diebus exeuntes ab Ecclesia Sancti Hadriani ad  
Basilicam Sanctæ Mariæ ad Præsepe progredierentur. Scimus de-  
mum ab illa ipsa ætate tum Præsepi, ubi reclinatus fuit Domi-  
nus in ortu suo, tum Cunabulis, quibus Infans detinebatur, præ-  
cipuum à Fidelibus tributum fuisse honorem, & cultum in peculiari  
Sacello Basilicæ ad Præsepe vocato, ubi olim religiosissimè asserva-  
bantur; qui sanè cultus perpetuò custoditus, quin etiam mirum in-  
modum subindè auctus est ex pretiosis, atque insignibus ornamentis,  
quibus Summi Pontifices, & plures insuper magni Principes, hæc  
Reliquias Sanctissimas decorarunt. Quid igitur luculentiora adhuc  
inquirimus documenta, tempus, occasionem, & modum osten-  
dentia, quibus eadem Sacra pignora facile asportabilia ad Urbem  
avecta fuerint; cum ea, quæ hæctenus allata sunt, rem perspicuam,  
& manifestam facere videantur?

Dum hanc dissertatiunculam adornaremus, Vir humanissimus,  
ejusdem Basilicæ Canonicus, nec tam Præfatus honore, quàm  
omni-

omnigenæ doctrinæ laude conspicuus, Franciscus Blanchinus, nobiscum communicare dignatus est Notas, quas ad S. Sixtum III. pro tertio Tomo Anastasiani Operis de Vitæ Pontificum propediem typis excudendo paravit. Quibus in Notis eruditissimus Author hoc idem argumentum fusè pertractans, nobiscum usquequaque consensit. Quamobrem oblata nobis est occasio summopere in Domino gaudendi, cum inspeximus opinionem nostram tanti Viri suffragio, atque iudicio comprobari; quin etiam cum voluptate legimus ipsum ulterius progredi, nec sine validarum rationum præsidio opinari, non modò Præsepis, & Cunarum Domini, verùm etiam Sanctorum Matthiæ, & Hieronymi Corporum, aliorumque insignium Liplanorum, quæ olim apud Hierosolymam, & Betlehem depõsita, nunc verò in Liberiana Basilica recondita sunt, translationem ad eadem Pontificatus Theodori tempora pertinere.

Nullis antea tentatum viribus, æquor propositæ disceptationis summo ingenii, ac sapientiæ robore Archiepiscopus Amasenus feliciter superavit. Sed ne aliquibus fortasse videatur, caute præterisse scopulos, quibus a littore soluta navis statim impingere potuisset: in disquisitione ponam, quod ipse, jam certus eundi, pro argumento sumere non dubitavit. Sciscitari etenim non pauci solent: Quomodo in hisce ligneis Cunabulis natus Dominus reclinatus fuerit; cum ipsius Præsepe in rupe excisum affirmet Burchardus in *Descriptione Terræ Sanctæ par. 1. cap. 7.* & lateritium, seu ex luto coctili confectum fuisse testetur Divus Joannes Chrysostomus *Serm. ad cap. 2. Luca*. Aqua hæret, ut ajunt; sed facilius dubitatio tollitur, quam iniicitur. Liceat eadem referre verba, quibus Auctor *Exercitationum de Christo, ejusque Virgine Matre, in xxx.* illarum, quæstionem colligit, ac dissolvit. *Visitur etiamnum Romæ, ad S. Mariam Majorem, ligneum, gemmisque ornatum Præsepe. Quid ergo? Suppositum suspicabimur, ac pro arbitrio fictum, ut fidelium pie colentium religioni illudatur? Absit; sed possunt hæc facile conciliari. Burchardus enim, & Joannes Chrysostomus, non de ipso Vase loquuntur, quod constat fuisse ligneum, servaturque nunc Romæ; sed de structura illa exigua, quæ ipsum Præsepe ligneum continebat: quæque vel lapidea erat, vel lateritia. Ad majorem quippe firmitudinem Vas ligneum lapideæ, seu lateritiæ cavitati inclusum erat; & utrumque perinde Præsepe non incongrue nuncupatur. Ut sileam, laudatum sermonem dubium esse S. Chrysostomi factum, viderique Scriptoris latini, admodum recentioris. Nititur veritate sententia; sed frustra conjecturis astruimus, quod digito possumus indicare. En duplex Domini Præsepe in Basilica Liberiana. Unum lapideum: alterum ligneum. Illud immobile manet sub Ara, cui nomen præbet; hoc, Sacer-*

cerdotali dexterâ circumferendum , argenteis , atque crystallinis claustris intuemur ornatum . Alterum ab altero avulsum gemino pietatis studio vetustior ætas excoluit ; nos adhuc loco sejunctum pari veneramur obsequio . Si dubia paucorum fides utrumque invicem conferre posset , protinus cerneret in unum iterum coalescere . Quod ad vocabulum attinet , quò lapideum , simulque ligneum conceptaculum exorti divini Infantis , nuncupatur Præsepe : juxta colatam symbolam ab eodem Exercitationum Auctore , recte quidem in hac significatione usurpatum fuisse arbitror . Plurimorum scriptorum gravissimis testimoniis possem confirmare sententiam ; sed nequaquam puto , ut ad rem transferam maximi Atheniensium Oratoris effatum , in hoc positas esse fortunas Græciæ , atque Latii , immo vero totius terrarum Orbis . Atque hæc sunt , quæ simillima Maronis Apibus :

*Ignavum , fucos , pecus a Præsepibus arcent.*









D sacrum limen patefactæ Portæ convertimur. Jam illud, expiatis criminibus, innumera Urbis, & Orbis populorum agmina intraverant: & brumali iterum redeunte solstitio, instare videbatur jam dies, quæ labentem Jubilei Annum impleret; cum Eminentiſſimus Cardinalis Othobonus omnia jussit expediri, ad proximam Portæ Sanctæ observandæ solemnitatem spectantia; atque in

eandem curam, summâ animorum consensione, totus inclytus cætus Patriarchalis Basilicæ Liberianæ studioſe, & diligenter incubuit. Templum, ac Templi facies paribus effulſere pretioſiſſimis ornamentis, accurata partium diſpoſitione congeſtis in hujus Enarrationis exordio. Nihil deſuit ſimillimo rerum apparatui, præter cuneos intra porticum, extra porticum ſepta. Uſui etenim fore minime videbantur hac vice: quâ ſpectatum admiſſi, cum rari admodum eſſe ſoleant, omnes humi conſiſtunt: & procul poſiti, ferreis prohibentur cancellis, quibus eſt nuper præcincta porticus, ne irruptione aliqua religionis ſacra conturbent. Eadem vero Urbanorum militum cohors, eademque Helvetiorum manus, in præſidium advocata fuit, & ad cuſtodiam adhibita. Ut paucis rem abſolvam: pietas, magnificencia, ſecuritas, impreſſis inhærendo veſtigiis, ſe ipſam ſtudit æmulari.

Post.

(XXXVIII)

Postquam igitur Sol omnia lustrasset zodiaci signa: & vix quatuor horarum spatio, in occasum vergens, Nativitatis Domini sacram noctem anteverteret: visum est Eminentissimo Cardinali Archiepysbytero præfinitum tempus adesse Apostolicæ Legationis, iterum obeundæ: quam sibi a Summo Pontifice commissam fuisse, ex literis Eminentissimi, & Reverendissimi Domini Cardinalis a Secretis Status, pauloante intellexerat. Discessit itaque ex amplissimo Palatio, quod S. R. E. Vicencancellarii titulo obtinet possidendum, & late implet nominis magnitudine: semperque implebit in posterum; cum pene totum eodem animo, quo fuerat extructum, ab interitu vindicaverit. Tantum domestici, externique decoris in itinere explicuit, quantum suscepti muneris dignitas postulabat. Ubi primum ad S. Mariæ Majoris augustissimam Edem pervenit, Urbanos, Helveticosque milites obvios habuit: atque ab universo ejusdem Basilicæ Clero interim exceptus fuit, quod par erat, obsequio. Cappa rubra indutus, latèque explicata, ad Portam Sanctam accessit; flexisque genibus super pulvino, quem subtrato tapeti servorum manus imposuerat, oblatam sibi a Vicario Capituli, osculatus est Crucem. Mox surgens, acceptaque de ipsius Vicarii manibus lustrali aquà, se ipsum, omnemque Clerum, populumque resperpsit. Basilicam ingressus, ad sacellum se contulit, in quo Sanctissimum Eucharistiæ Sacramentum asservabatur, ut ipsum coleret, & adoreret. Deinde conversus ad Deiparæ Virginis imaginem, caelestem illius opem, suis præcibus, imploravit. Præterea laudavit Dominum in omnibus Sanctis ejus, quorum reliquæ in pluribus Templi partibus honorifice conditæ reperiuntur. Ascendit denique ad Aram maximam, Vesperarum solemnia in choro celebraturus. Ante ipsam rursus oravit; mox ad solum perrexit. Dum ipse Pontificalibus vestibus a duobus Canonicis ornabatur: cæteri omnes sacra indumenta sumpserunt. Postquam igitur visi fuerunt astare, sicut novellæ olivarum in circuitu mensæ Domini, præscriptâ vocis modulatione, præcinuit Vesperarum exordia: earumque finem Apostolica benedictione conclusit. Undique resonantibus Organis, thus ex acerra, per Canonicum Decanum Præbyterum astantem porrecta, in thuribulum fudit: quod suspensum manibus obtulit Ceremoniarum Magister. Finales cerei singulis interim distributi, accensisque fuerunt; & præeuntibus simul, qui Crucem, qui candelabra gestarent, cæpit Clerus supplicabundo ritu procedere. Venerabili signo redemptionis nostræ, prope solum delato, Eminentissimus Cardinalis frontem humiliter subdidit. Postmodum sumptâ mitrâ, descendit ad Aram maximam Pontificiam: unde, cum paulisper orasset nudato

capite, rursus recto, cereamque facem dextera tenens, progressus est ad facellam SS. Sacramenti. Ibi iterum supplex Deum vocavit in vota. Post hec, stantem sese cunctis ostendit; & nova quadam fulgere visus majestate oris intonuit: *Cum iucunditate exhibitis*. Musicorum chorus antiphonam prosequutus, dulcissime canendo absolvit eodem momento temporis, quo Eminentissimus Cardinalis, Porta Sancta novissimus omnium egressus, pervenit ad solium, in porticu ipsius Basilicæ singulari magnificentia excitatum. Cerea face deposita, sese locavit in sede. Primus vero Præbyter, & duo insimul Diaconi, qui de more assistebant, scamnis incubuere. Capitulum, & reliqui ex Clero, in stationibus susterunt, longo ordine peculiariter assignatis. Brevi interiecta mora, singuli assurrexerunt Eminentissimo Cardinali, accedenti ad Portam Sanctam: prope quam disposita, atque parata erant omnia, molitioni novi operis necessaria. Relicta mitrâ, candelâque retentâ, cothilium laterum, liquateque calcis, diviso bisariam cumulo insimul benedixit his verbis; *Adjutorium nostrum* &c. quibus prolatis, utramque congeriem primum asperxit lustrali aquâ, deinde cremato thure suffovit. Tunc stetit, sumpsitque mitram: niveoque, tenuissimo linteo (quod recte appellamus gremiale; nec forte aliter vetustiores Latini appellassent, si suo olim gremio persimile tegumentum adhibuissent) a Ceremoniæ Magistro præcinctus fuit. Super stragulum, pulvinumque paratum flexit proinde genua: & summa sibi reverentia traditum a Primo Canonico, Præbytero Assistenti, argenteum Cochlear accepit. In illius triquetra anteriori spatio, anaglypticè ornato, jusserat hæc incidi: *Cochlear a. P. O. M. BENEDICTO XIII. pro clausura Portæ Aureæ, Apostolica benedictione munusum.* In adverso autem: *Petrus Cardinalis Ottobonus, S. R. E. Vicecancellarius, Episcopus Sabiniensis, Patriarchalis Liberianæ Basilicæ Archiepiscopus.* Anno Jubilei. MDCCXXV. Eadem fere verba insculpta fuerunt in Malleo, quo Portam Sanctam aperuerat: & quem paucos post menses in Lauretana Æde votivo more suspendit. Cochlear quoque, in usus adhibitum claudendi ipsammet Portam auream S. Mariæ ad Præsepe, Sanctissimæ Domui Nazaret jam secum animo deliberavit offerre. Si cuncta suis sunt referenda principiis: jure videbitur, utrumque fuisse deductum munus ex loco, ubi Virgo peperit, ad locum, ubi Virgo concepit. Hujusmodi itaque Cochleari (quod proprie dicitur Trulla) ter sumpsit is scypho, nempe receptaculo, calcem; eamque primo posuit in medio liminis dicens: *In fide, & virtute Domini Nostri, Jesu Christi, Filii Dei vivi.* Secundo a dextris, addendo; *Qui Apostolorum Principi dixit: Tu es Petrus.* Tercio a sinistris, perficiendo sermonem: *Es super hanc petram ædi-*

*ædificabo Ecclesiam meam.* Extentis, æquatique injectæ calcis acervulis, & cochleari dimisso, primum superimposuit lapidem, atque ait: *Collocamus lapidem istum primum.* Secundum stravit, subiciens: *Ad claudendam hanc Portam Sanctam.* Tertium denique firmavit, enuncians: *Singulo Jubilei Anno referendam.* Tum Crucis signum super tres lapides, invicem hærentes, ter manu produxit, dicens: *In nomine Patris, & Filii, & Spiritus Sancti &c.* Et si contrahere nitimur quod explicare debemus; ramen innuere non prætermittimus: Calcem in alveolo, seu lacunculo aurato per Murarium Fabrum fuisse porrectam; Lateres vero, undique obductos auro, ac nobilissimo gentilitio stemmate ipsius Eminentissimi Cardinalis Otthoboni insignitos, fuisse per Architectum oblatos. Mystico, ut pauloante narrabam, labori intentus Apostolicus Legatus, suscepit iterum cochlear; haustamque pluries è scypho calcem jecit in interiore sacri liminis partem, a tergo primi jam impositi lapidis. Marmoream deinde Arculam, Numismatibus plenam, ulnisque Primi Præsbyteri Assistentis allatam, in substructione locavit. Una omnibus inerat Numismatibus forma, partim ære, partim argento, atque auro conflatis. Formam ipsam describere nobis curæ erit in præsens; numerum recensere pertinebit ad posteros. In anteriori igitur Numismatis parte cælestis imago S. Mariæ Majoris effulgebat excusa, cum hac epigraphe: *Felix Calî Porta:* & cum hac temporis designatione: *Anno Jubilei MDCCXXV.* In posticâ vero Numismatis parte hujusmodi insculpta fuerat inscriptio: *Petrus Card. Otthobonus, S. R. E. Vicecancellarius, Clementis XI. beneficio Sacrosanctæ Basilicæ Liberianæ Archipræsbyter, Portam Auream Aperuit, mox Episcopus Sabinensis Clausit.* Sub inscriptione effigies ejusdem Aureæ Portæ surgebat eleganter incisa, eamque ab utroque latere Epocha Pontificalis ornabat: *BENEDICTO XIII. SEDENTE. Æra spirantia mollius excudere si alius unquam fortasse poterit; nemo certe accepti beneficii memoriam publicis monumentis commendabit illustrius. Ut se se gratum ostenderet cunctis futuris ætatibus erga Clementem XI. immortalis gloriæ Pontificem, cui plurimum debere Eminentissimus Card. Otthobonus, raro virtutis exemplo, profitetur assidue: non solum in hoc Numismate, verum etiam in Pastoralis Epistola ad Clerum, & Populum Sabinensis Diœcesis, data Pridie Non. Februarii Jubilei Anno MDCCXXV., testatam fecit persimilem animi significationem: quam altius recensere non piget, ut laudati Numismatis uberius interim illustretur Inscriptio. Prope Epistolæ finem hæc itaque habentur verba: *Hodierna die, quâ vos primum salvere jubemus, Ipse Summus Sacerdos (nempe BENEDICTUS XIII.) dignatus est cælesti Sponse nos**

magno connubii Sacramento conjungere. Nec sine ineffabilis providentiæ consilio statuit, sacras Nuptias in Basilica S. Mariæ Majoris esse potissimum celebrandas. Voluit namque manifesto comprobare, ad augendam spem nostram: ibi vera esse gaudia; ubi fixa sunt corda. In medio igitur illius Templi suscepimus Dei misericordiam, in quo jam dudum Nos collocare, Archipresbyteratus honore insignitos, placuit Maximo Benefactori Nostro, Clementi XI. gloriosa in omne ævum memoria. Vetus promeritum, jampridem perituræ chartæ commissum, nunc ære perenni servatum exhibet recentior gratia. Nondum igitur Pastoralis suscepto munere, sicuti patet ex allata Epistola, qua certa Consecrationis dies insigniter denotatur; Eminentissimus Cardinalis Orthobonus Portam Sanctam aperuit; atque idcirco in laudata Numismatis inscriptione appositum cernimus: *Mox Episcopus Sabinenfis clausit*. His expositis, pedem referam, unde subduxeram. Cum itaque in fundamentis Portæ Sanctæ pretiosa Numismata condidisset, Cantoribus occinentibus Hymnum: *Cælestis Urbs Hierusalem*: sediit insulatus ad Solium, sedit, lavitque manus. Nobilis Familia-ristogatus aquam eguturnio fudit, exceptitque malluvio; Canonicus Decanus, utpote primus Præbyter astans, mantile præbuit in disco. Recedentibus illis, accessit protinus Ceremoniarum Magister, ut linteum solveret, sed subligaculum (liceat prophanam vocem ad rem sacram transferre) quo Eminentissimus Cardinalis pauloante præcinctus fuerat; atque ut ceream ardentem facem illi iterum traderet sustinendam. Interea fervebat opus, quod sex Pœnitentiarii Basilicæ sine ulla intermissione laboris perficere conabantur. Linteo, cochleari, atque scypho separatim instructi; atque Fabrorum cæmentariorum ope conjunctim adjuti; statim ac loco cessit Eminentissimus Legatus, super jactis fundamentis extruere murum occæperant. Cumque ad superliminare extulissent, absoluto Hymno: *Cælestis Urbs Hierusalem*: Porta Sancta penitus clausa fuit. Tunc Eminentissimus Legatus sine mitrâ surrexit, atque ait: *Salvum fac Populum tuum Domine &c.* Hæc fatus, quæ fusius habentur in Ricualli: rursus sedit, donec cerei extinguerentur. Deinde celsus, atque sublimis, intonuit Hymnum: *Te Deum laudamus*. Dum reliquos versiculos Musici alternatim canebant, ipse vicissim cum Primo Præbytero, & astantibus Diaconis, recitavit; cæterique omnes submissâ voce dixerunt. Eo temporis intervallo, quò harmonica vocis inflexio plurimum distat à simplici pronuntiatione verborum, universus Liberianæ Basilicæ Clerus sacro munere donatus fuit. Ex aureâ liquidem lance, quam deferebat Acholytus, depromere Numismata cepit secundus Ceremoniarum Magister; & singulis Ca-

nonicis bina: unum nempe æreum, alterum argenteum: cæteris tantummodo æreum distribuit. Hujusmodi largitione, proflus junctâ a quovis ambitu terrenæ laudis, ad cælestem dignitatem, & gloriam omnibus aditum patefacere Eminentissimus Cardinalis pio secum animo cogitavit. Æternum quippe inestimabile pretium. Apostolicæ benedictionis cuncta Numismata continebant. Perducto interim ad exitum Hymno, rursus è Solio surrexit sacrâ mitrâ circumdatus, atque ait: *Sit nomen Domini benedictum* &c. Post hæc, extulit in cælum oculos; atque ut omne bonum, descendens a Patre luminum, super universum Clerum, & Populum effunderetur, enixis precibus postulavit. Extentâ denique Sacrodotali dexterâ omnibus benedixit. Tum Solio subnixus reledit, atque annuit, ut per Primum Canonicum, Præbyterum Assistentem, publicarentur Indulgentiæ sub formulâ, in memorato sacræ functionis Rituali descripta. His peractis, cuncto plaudente populo descendit è folio: & per majorem Basilicæ Januam, tunc patetactam, ordinatim præeunte Clero, ad Sacrarium se contulit; ubi cum ipse, tum cæteri omnes sacras vestes deposuerunt. Proximam deinde Ædiculam petiit, veneraturus Salvatoris nostri Cunabula: quorum exhibuimus impressum in fronte Operis modulum, ex archetypo adamussim deductum. Gratiis Deo persolutis, ob expletum Apostolicum munus aperiendi, & claudendi Portam Sanctam: inter gratulationes, & laudes totius Capituli, & Cleri, quod ineunte, atque exeunte Jubilei anno, omnia rite, ac recte, fuisse, ac feliciter contigissent, ad ostium Atrii pervenit. Eo egressus, Currum conscendit; & magno Præfulum, Procerum, Aulicorumque agmine comitatus, discessit. Rectâ tendens, ad Palatium Cancellariæ Apostolicæ, priusquam nox terris incubuisset, reversus fuit. Lætior ipse ab Exquiliis, sacrâ functus Legatione descendit, quam qui inquam redierit, triumphantis in morem, è vertice Capitolii. Sed inane specimen vero animi gaudio ita dedecet comparare: sicut priscam Capitolii superbiam, quæsitam tugurio Romuli, cum sacro Exquiliini Montis decore, qui divinitus manat è Domini Præsepe, nefas esset conferre. Vivat diu solpes; diuque fruatur gloriâ, quam sibi relictam ab Optimo, Sapientissimoque Pontifice ALEXANDRO VIII. Patruo Magno, non solum sustinet ex dignitate, sed adeo augeat in dies: ut illius amplitudine, patrios Adriæ fluctus æquante, longe lateque terras implere videatur. Suis interea virtutibus (quibus eandem ingentem gloriam sibi sapientissime comparavit: & quibus metas aut rerum, aut temporum nequaquam pono) vehementius urgeat assidue ad veram laudem sectandam, licet suâ sponte excitatum,

(XLIII)

tum, plæclarissimum Clerum Patriarchalis Basilicæ Liberianæ. Illius inquam Basilicæ, quæ (ut Cornelius a Lapide jure optimo censuit) *Est omnium, non solum quæ in Urbe, sed quæ in Orbe universo sunt, Beata Virginis augustissima, & sanctissima: in quâ Ipsa in Exequiis, quasi in excubiis, pro fidelibus Urbis, & Orbis excubat; eosque docet, illuminat, protegit, opiculatur: ditat opibus, tam spiritua- libus, quam temporalibus: omnesque ad se vocat, ut ab ea sapientiam discant, ejusque beneficiis, & gratiis potiantur.* Ad exitum perdu- cta Sacrorum Rituum enarratione, hoc mihi superest optandum: ut eadem Sacrosancta Basilica, de qua sum ausus habere sermonem, prophetico, ad Hierusalem, compræhensa existat oraculo: *Occu- pabit salus muros tuos, & Portas tuas laudatio.*







**RITUS SERVANDI**  
IN APERITIONE, ET CLAUSURA  
**PORTÆ SANCTÆ**  
Sacrosanctæ Patriarchalis Basilicæ  
**S. MARIÆ MAJORIS**  
**ANNO JUBILÆI MDCCXXV.**  
*Ab Eminentissimo, & Reverendissimo Domino*  
**PETRO OTTHOBONO**

Tituli S. Laurentii in Damaso Presbytero Cardinale,  
ejusdem Basilicæ Archipresbytero, SS.D.N.Papæ  
à Latere Legato, & S.R.E. Vicecancellario.



**ROMÆ, MDCCXXVI.**

Typis **ANTONII DE RUBEIS** in Via Seminarii Romani.

---

**SUPERIORUM PERMISSU.**

RECEIVED  
ARCHIVES DE LA  
VILLE DE PARIS

PARIS, LE 10 MARS 1872  
M. LE MAIRE DE LA VILLE DE PARIS  
A M. LE MAIRE DE LA VILLE DE PARIS  
OBJET: ...

Le Maire de la Ville de Paris  
Le Maire de la Ville de Paris  
Le Maire de la Ville de Paris

Le Maire de la Ville de Paris  
Le Maire de la Ville de Paris  
Le Maire de la Ville de Paris

(XLVII)

# RITUS SERVANDUS IN APERITIONE PORTÆ SANCTÆ LIBERIANÆ.



MINENTISSI-  
MUS & Re-  
verendissi-  
mus D.Car-  
dinalis Le-  
gatus cum  
pervenerit  
ad Ecclesiā  
S.Pudentia-

næ, in loco destinato sacris ve-  
stibus paratus, videlicet amictu,  
alba, cingulo, Cruce, Stola,  
Pluviali, & Mitra pretiosis, me-  
dius inter Diaconos assistentes,  
procedit ante Sanctissimum Sa-  
cramentum expositum; ubi de-  
posita prius Mitra, & facta ge-  
nuflexione, aliquantulum orat.  
Similiter DD. Canonici omnes  
parantur secundum ordinem  
suum, & Clerus totus cum plu-  
vialibus paratur. Dum præfatus  
D. Cardinalis orabit, distribuun-  
tur, & accenduntur candelæ. Fa-  
cta oratione, & imposito incen-  
so in thuribulo absque benedi-  
ctione, genuflexus ter incensat  
Sanctissimum Sacramentum;  
quo incensato, adhuc genufle-  
xus intonat Hymnum:



Veni Cre a tor Spi ri tus

Ad cujus primum Versum om-  
nes genuflectunt. Finito primo  
Versu ordinatur Processio usque  
ad Portam Sanctam aperienda-  
dam, & Cantores in via profe-  
quuntur in cantu hymnum præ-  
dictum.

Cum Eminentissimus D.Car-  
dinalis Legatus pervenerit ad  
Portam Sanctam, ascendet ad se-  
dem suam, in qua hymno finito,  
aliquantulum sedet mitratus.  
Mox cum mitra, & candelā de-  
scendit ad Portam sanctam, ibi-  
quo sinistra tenens candelam, &  
dextera accipiens malleum sibi à  
primo Canonico parato porre-  
ctum, dicit tres sequentes ver-  
sus, percutiendo ter Portam  
Sanctam.

Dat primum ictum, dicens:

✠. Aperite mihi portas ju-  
stitiæ.

C 4

R In-

(XLVIII)

**R.** Ingressus in eas confitebor Domino.

**Dat secundum ictum, & dicit:**

**Ps.** Introibo in domum tuam Domine.

**R.** Adorabo ad templum sanctum tuum in timore tuo.

**Dat tertium ictum, ac dicit:**

**Ps.** Aperite mihi portas, quoniam nobiscum Deus.

**R.** Qui fecit virtutem in Israel.

**Quo facto, reddito malleo primo Canonico, cum candela, redit ad sedem suam, in qua sedet; & Ministri cum suis artificibus in ictu oculi diruunt murum Portæ sanctæ, auferendo lapides & ruinas. Tum D. Card. deposita candela & mitra, surgit, & digniori Canonico librum ministrante, dicit:**

**Ps.** Domine exaudi orationem meam.

**R.** Et clamor meus ad te veniat.

**Ps.** Dominus vobiscum.

**R.** Et cum spiritu tuo.

**Oremus.**

**A**ctiones nostras, quæsumus Domine, aspirando præveni, & adjuvando proseguere: ut cuncta nostra oratio, & operatio à te semper incipiat; & per te cæpta

finiatur. Per Christum Dominum nostrum.

**R.** Amen.

**Oratione dicta, D. Card. sedet, & accipit mitram, ac candelam, interim duo Pœnitentiarum parati cum suis malleis totam portam disrumpunt, duo alii Pœnitentiarum, cum spongiis aqua benedicta madefactis, lavant limen, ac postes Portæ sanctæ, & demum alii duo Pœnitentiarum manutergis extergunt. Interim Cantores cantant Psalmum:**

**Jubilare Deo omnis terra &c.**

**Porta omnino aperta, lavata, & absterfa, D. Cardinalis deposita candela & Mitra, surgit, & dicit:**

**Ps.** Hæc dies, quam fecit Dominus.

**R.** Exultemus & lætemur in ea.

**Ps.** Beatus populus tuus Domine.

**R.** Qui scit jubilationem.

**Ps.** Hæc est porta Domini.

**R.** Justi intrabunt in eam.

**Ps.** Domine exaudi orationem meam.

**R.** Et clamor meus ad te veniat.

**Ps.** Dominus vobiscum.

**R.** Et cum spiritu tuo.

**Ore-**

Oremus.

**D**Eus, qui per Moysen famulum tuum populo Israelitico annum Jubilæi, & remissionis instituisti: concede propitius nobis famulis tuis Jubilæi annum hunc tua auctoritate institutum, quo portam hanc populo tuo ad preces tuæ Majestati porrigendas ingredienti solemniter aperiri voluisti, feliciter inchoare; ut in eo venia atque indulgentia plenæ remissionis omnium delictorum obtenta, cum dies nostræ advocacionis advenerit, ad cælestem gloriam perfruendam, tuæ misericordiæ munere, perducamur. Per Christum Dominum nostrum.

R. Amen.

Finita oratione, accepta mitra & candelâ, descendit de sede sua ad Portam sanctam apertam, & ante eam deposita mitra, ge-

nuflexus, sinistrâ tenens cereum, accipit dextera à primo Canonico paratâ parvam Crucem, quam osculatur, & intonat:



Te De um lau da mus.

Quem Cantores prosequuntur, & dicto primo Versu D. Cardinalis surgit, & sine mitrâ, cum Cruce & candelâ, Portam sanctam intrat, prope ingressum, reddita Cruce primo Canonico, imponitur mitrâ, & sedet in sede ibi paratâ, donec Clerus per ordinem fuerit ingressus. Tum Clero & Capitulo præeuntibus ad Altaria Venerabilis Sacramenti & Deiparæ Virginis procedit, illisque preces genuflexus effundit, indeque pariter supplicabundus ad Aram maximam Basilicæ se recipit, prope quam Vesperarum solemnia peragit.

Deo gratias.

## IN PRIMIS VESPERIS NATIVITATIS DOMINI.

Antiphona.




Rex pa ci fi cus

C ;

Hym-


(L)

Hymnus.



J e ſu Re dem ptor om ni um.

Ad Magnif.  
Antiphona.



Cum or tus ſu e rit.

ψ. Dominus vobiscum.

℞. Et cum ſpiritu tuo.

Oremus.

**C**oncede quaſumus omnipotens Deus: ut nos Unigeniti tui nova per carnem natiuitas liberet; quos ſub peccati iugo vetuſta ſervitus tenet. Per eundem Dominum noſtrum.

℞. Amen.

ψ. Dominus vobiscum.

℞. Et cum ſpiritu tuo.

ψ. Benedicamus Domino.

℞. Deo gratias.

Mox Eminentiffimus Dominus dat benedictionem ſolem- nem; qua data, per primum Canon- icum publicantur Indulgentiæ ſub hac forma.

Eminentiffimus, & Re- verendiſſimus in Chriſto Pater & Dominus, Dominus Petrus Tituli S. Laurentii in Damaso Presbyter Cardinalis O T-

THOBONUS, huius noſtræ Sacroſanctæ Baſilicæ Archi- presbyter, à latere Legatus, & Sanctæ Romanæ Eccleſiæ Vicecancellarius, auctoritate ſibi à Sanctiſſimo Domino no- ſtro Papa conceſſa, dat, & concedit omnibus hic præſen- tibus Indulgentiam plenariam in forma Eccleſiæ conſueta. Rogate igitur Deum pro feli- ci ſtatu ejuſdem Sanctiſſimi Domini noſtri Papæ, Eminen- tiæ ſuæ Reverendiſſimæ, & Sanctæ Matris Eccleſiæ.

Facta ſupradicta Indulgentia- rum publicatione, eodem pro- ceſſionis ordine ad Sacrarium re- vertuntur. Ubi Eminentiffimus D. Cardinalis Legatus ſacras ve- ſtes deponet.

Et ſi Eminentiffimo Domi- no libuerit, ante vel poſt Veſpe- ras, oſtenduntur aliquæ Reli- quæ inſignes quinque, vel ſep- tem.

RI-

(LI)

# RITUS SERVANDUS IN CLAUSURA PORTÆ SANCTÆ LIBERIANÆ.



MINENTISSI-  
MUS & Re-  
verendissi-  
mus D. Car-  
dinalis Ar-  
chipresby-  
ter nostræ  
Sacrosanctæ  
Basilicæ,

accepta à Summo Pontifice per  
Epistolas Eminentissimi & Re-  
verendissimi D. Cardinalis à Se-  
cretis Status facultate Legati à  
latere ad claudendam Portam  
Auream dictæ nostræ Ecclesiæ,  
ac potestate concedendi præsen-  
tibus Indulgentiam Plenariam  
in forma Jubilæi, die & hora præ-  
stitutis, ex ædibus solitæ suæ ha-  
bitationis, ad nostram Sacrosan-  
ctam Basilicam, debito curruum  
apparatu se confert.

In porticu cappa indutus per  
Portam Sanctam in Basilicam  
ingreditur, ibique à Capitulo &  
Clero excipitur; apud Altaria  
Augustissimi Sacramenti & Dei-  
paræ nec non apud Aram maxi-  
mam procumbit, ac preces ef-  
fundit; & acceptis à Capitulo

& Clero sacris indumentis, ut in  
aperitione Portæ sanctæ, tandem  
ipse Eminentissimus D. Card.  
Legatus sacris induitur, & apud  
ipsam Aram maximam Vespera-  
rum solemnia absolvit; & im-  
pertita de more Populo benedi-  
ctione sedet, donec distribu-  
antur & accendantur Cerei.

Tum imponit thus in thuribu-  
lum, eidemque benedicit dicens  
Ab illo benedicaris &c.

Salutat deinde Crucē sibi à Sub-  
diacono oblatam; ordinatur Pro-  
cessio, & cereum manibus tenens  
venit ad medium Ecclesiæ: ubi,  
si placet, genuflexus sacras insi-  
gnes Reliquias quinque vel se-  
ptem veneratur; deinde venit  
ad Cappellam Sanctissimi Sacra-  
menti, quo genuflexus adorato,  
surgit, & ex libro per primum  
Canonicum sustentato intonat  
Antiphonam:



Cū jucunditate exi bitis.  
&

& dum Cantores prosequuntur.  
Et cum gaudio deducemini,  
nam montes & colles exilient  
expectantes vos cum gaudio.  
Alleluja.

Fit processio, & omnes cum  
candelis accensis, exeunt per  
Portam Sanctam, & Dominus  
Cardinalis, sumptis mitra, &  
candela, procedens ad Porticum,  
ultimus omnium Porta Sancta  
egreditur, adhuc cereum accen-  
sum gestans. Ibi paratum sibi so-  
lium conscendit, & sedet, do-  
nec à Cantoribus perficiatur An-  
tiphona; & lapides, calx, ac  
alia ad obstructuram necessaria  
disponantur. Tum accedit ad  
Portam sanctam, prope quam  
sistens, deposita mitra, cereum  
accensum retinens benedicit La-  
pides & calcem, dicens:

℣. Adjutorium nostrum in  
nomine Domini.

℞. Qui fecit Cælum & Ter-  
ram.

℣. Sit nomen Domini be-  
nedictum.

℞. Ex hoc nunc, & usque  
in sæculum.

℣. Lapidem quem repro-  
baverunt ædificantes.

℞. Hic factus est in caput  
anguli.

℣. Domine exaudi orati-  
onem meam.

℞. Et clamor meus ad te  
veniat.

℣. Dominus vobiscum.

℞. Et cum spiritu tuo.

Oremus.

**S**umme DEUS, qui sum-  
ma, media, imaque cu-  
stodis: qui omnem creaturam  
intrinsicus ambiendo conclu-  
dis, sancti & fidei, & bene &  
dic has creaturas lapidis, cal-  
cis, & sabuli. Per Christum  
Dominum nostrum.

℞. Amen.

Oratione expleta, & posito  
cum benedictione incenso in  
Thuribulum, aspergit, & thu-  
rificat lapides & calcem. Mox  
reassumpta mitra, genuflexus ac-  
cipit de manu primi Canonici  
Cochlear, cum quo ter sumit ex  
scypho calcem, eamque primo  
in medio liminis, secundo à dex-  
tris, tertio à sinistris deponit, ac  
extendit, æquatque: Dimisso  
tandem cochleare superimponit  
calci primum lapidem in medio,  
secundum à dextris, ac tertium  
à sinistris, alium alteri hærente,  
legendo ex libro, nempe: Ad  
primam calcis dejectionem in  
limen.

In fide & virtute Domini  
nostri Jesu Christi filii Dei vi-  
vi.

Ad secundam.

Qui Apostolorum Principi  
dixit: Tu es Petrus.

Ad



(LIII)

Ad tertiam pariter calcis dejectionem.

Et super hanc petram ædificabo Ecclesiam meam.

Ad primam verò lapidis impositionem.

Collocamus lapidem istum primum.

Ad secundum lapidem.

Ad claudendam hanc Portam Sanctam.

Ad tertium verò.

Singulo Jubilæi anno referendam.

Tum ter manu signum Crucis super lapides impositos producens, dicit:

In nomine Pa tris , & Fi tri , & Spiritus Sancti. Amen.

Deinde offerente eodem primo Canonico pretiosa Numismata in una vel pluribus capsulis clausa , illa cum calce item conglutinat ; interim Cantores concinunt Hymnum :

Cælestis Urbs Hierusalem &c.

Eminentissimus D. Cardinalis ad sedem suam cum mitra redit, sedet, & lavat manus; & subito Pœnitentarii, adjuvantibus operariis, continuant sine intermissione murum, Portam

in totum claudendo : Tum absolute à Cantoribus Hymno, deposita mitra, surgit, & canit :

✠ *Salvum fac populum tuum Domine.*

℟. *Et benedic hereditati tuæ.*

✠ *Fiat misericordia tua Domine super nos.*

℟. *Quemadmodum speravimus in te.*

✠ *Mitte eis Domine auxilium de Sancto.*

℟. *Et de Sion tuere eos.*

✠ *Domine exaudi orationem meam.*

℟. *Et clamor meus ad te veniat.*

✠ *Dominus vobiscum.*

℟. *Et cum spiritu tuo.*


Oremus.

**D**Eus, qui in omni loco dominationis tuæ, clemens, & benignus exauditor existis : exaudi nos quæsumus, & præsta ; ut inviolabilis permaneat hujus loci sanctificatio, & beneficia tui muneris in hoc Jubilæi anno universitas fidelium impetrasse lætetur. Per Christum Dominum nostrum.

℟. Amen.

Mox sedet, donec extinguantur cerei, deinde surgens innotat Hymnum.

Te



Te De um lau da mus.

Quo per Cantores expleto, accepta mitra, solemniter populo benedicit, dicens:

Ÿ. Sit nomen Domini benedictum &c.

Tum sedet, & per primum, Canonicum publicantur Indulgentiæ sub hac forma:

Eminentissimus, & Reverendissimus in Christo Pater & Dominus, Dominus Petrus Tituli S. Laurentii in Damaso commendati Cardinalis OT-

THOBONUS, Episcopus Sabinenſis, S. R. E. Vicecancellarius, hujus nostræ Sacrosanctæ Basilicæ Archipresbyter, à latere Legatus, auctoritate sibi à Sanctissimo Domino nostro Papa concessa, dat, & concedit omnibushic præsentibus Indulgentiam plenariam in forma Jubilei. Rogate igitur Deum pro felici statu ejusdem Sanctissimi Domini nostri Papæ, Eminentię suę Reverendissimæ, & Sanctæ Matris Ecclesiæ.

Deinde processionaliter omnes Emin. & Rever. Dñi ad Sacrarium comitantur.



(LV)

IN SACROSANCTAM BASILICAM

# S. MARIÆ MAJORIS

## O D E.

**M**onti Exquilino cedite ceteri  
Quos Roma vasto continet ambitu:  
Cedant, sub auras qui superbum  
Orbe ferunt reliquo cacumen.  
Huc laus Orebi, munere Numinis  
Translata, Pastor cui caput arduum  
Jethraus olim non nocenti  
Obstupuit radiare flammâ:  
Translata Sacri Symbola Fœderis  
Sancti Sionis mystica gloria:  
Carmelus huc transmittit omnem  
Ifacidis celebrem decorem.  
Stat mole grandi Regia Virginis,  
Matrisque Sedes; Ipsa locum sibi  
Optavit; Ædis decedente  
Ipsa sibi Nive duxit Orbem.  
Sensit Beatus Romulidum Pater,  
Qui tum Sacratissus fulsit in Infulis;  
Educta in auras ire tecta  
Liberii pia cura jussit.  
Nec Sixtus Ædi contulit impari  
Labore mentem: Sixtus, honoribus  
Quem Roma divinis decorum  
Calicolum numero recenset.  
Post aucta crevit pignoribus piis,  
Augustiori quæ loculo sita,  
Splendore Majestatis omnes  
Allicerent populos, & Urbes.  
Evafit exin marmore ditior,  
Gemmisque, & auro munere Præfulum:  
Ornavit illam Sixtus alter,  
Atque pari pietate Paulus.

(LVI)

O digna Sedes nobilis Imperi,

Quo Virgo Gentem Christiadam regit!

Hic regnat, & sceptro benigno

Dat placidæ pia jura pacis.

Non hic strepenti territa culmina

Cæli tonantis murmure personant:

Non Nube tetra densus Æther

Terrificos jaculatur ignes.

Hæc sunt minaci quæ Sina vertice

Monstravit ardens signa rebellibus,

Cum fulgurantis lex severo.

Aligeri data venit ore.

At Exquilinis Sedibus emicat

Lux alma cunctis, quæ facilis movet,

Flectitque montes, ac amico

Imperio dominatur Orbi.

Sic Diva regnat, sic sua temperat

Clementiori sceptrâ modestiâ;

Sic suavitatis Virgo Regnum

Pacifica pietate condit.

Huc vult adiri, gaudet & Ædibus

Infundi apertis Agmina supplicum;

Nec quemquam inanem ferre Sacris

Liminibus patitur repulsam.

Nunc quæ coluntur prima cubilia,

Quæ membra nati composuit Dei,

Se sistit, ut cunctis paratas

Fundat opes, miserisque ditet.

Nunc, vagientis gemmea Pupuli

Quæ Cuna cello pegmate tollitur,

Fecundioris lac salutis

Uberibus jubet ire plenis.

Nunc, quæ recondit murrhinus Icona

Spectandam Achaes Icona Principis,

Quam dextra pinxit, dextra quondam

Thejodotis memoranda libris:

Manfuetiori sceptrâ tenens manu

Regina, clemens fulmina comprimit

Irasque Cæli comminantis

Urbibus, ac populis ruinam.

(LVII)

Hic vult vocari sollicitâ prece  
In vota , gratis auribus accipit  
Voces precantum , quos favore  
Prompta fovet , recreatque donis.  
Quàm sepe Sanctis gratia largior  
Effluxit aris! adfuit , adfuit  
Martine , Numen, teque Achivis  
Insidiis dedit esse tutum.  
Hic te canentem , Maxime Gregori,  
Stipante Cætu Purpureo Patrum ,  
Excepit olim voce latâ  
Empyrea chorus arce missus .  
Hic vis Leoni fortior indita,  
Qua Monstrum in antro sterneret abditum,  
Plebemque , Romanosque Cives  
Faucibus eriperet Draconis .  
Huc ergo vestros , nec mora , pergite  
Huc ferte gressus Romulidum globi ,  
Huc Roma currens pergat Aras  
Supplicibus cumulare votis.  
Hac Æde fusos respicit æquior  
Princeps Quirites : protegit hic potens  
Patrona causas : hic fideli  
Præsidio est miseris asylum.  
Ipse Ordo Sacris dignior Infulis,  
Clerusque pergat , pergat honoribus,  
Ac persolutis rite pensis,  
Virgineum celebrare nomen.  
Nec se reductis septima cum dies  
Horis resolvit , pangere desinat  
Laudes Parentis Turba, voce  
Dulcifona dare docta cantus.  
At, Diva , serva limina barbaræ  
Furore Gentis : si sua manibus  
Tormenta belli , Marte sævo  
Admoveat furibunda Turma .  
Serva Exquilinum ; parcite , parcite  
Infesta Templis Agmina , parcite  
Aufu profano Præpotentis  
Christiparæ temerare Sedes.

(LVIII)

Si quando diris (omina , Caelites  
Arcete) Romæ sæviat ignibus  
Vulcanus audax , flamma sacræ  
Tecta procul veneretur Ædis .  
Si forte tentet Mulciber insolens,  
Repente pœnas pro meritis luat ;  
Ulrore nix effusa grandis  
Sacrilegas premat imbre flammæ .  
Tuque ò per Orbem marmora perdere ,  
Atque æra suetum Tempus edacius ,  
Quod dente mordaci Colossos ,  
Atque Ducum monumenta rodis :  
Hæc fata rerum : jus tibi Conditor  
Præscripsit olim ; jure sed abstine ,  
Æternitatis donec ortus  
Solis equos , celeresque currus  
Sistat , volutis currere motibus  
Vastos per orbis sidera nec sinat :  
Mensesque cessent , cesset annus  
Compositâ serie dierum .

